

明鈔本金匱要略方二卷

仲昭先生世守秘笈

徐乃昌題



校正金匱要略方敘

明倫彙編  
醫部典

藏書

醫部典

醫部典

張仲景為傷寒卒病論合十六卷今世但傳傷寒論十卷雜病未見其書或於諸家方中載其一二矣翰林學士王洙在館時日於蠹簡中得仲景金匱玉函要略方三卷上則辨傷寒中則論雜病下則載其方并瘡婦人乃錄而傳之士流于數家耳嘗以方證對病者施之於人其効若神然而或有證而無方或有方而無證救疾治病其有未備

國家詔儒臣校正醫書臣竒先校定傷寒論次校定金匱玉函經今又校成此書仍以逐方次於證候之下使倉卒之際便於檢用也又采散在諸家之方附於逐篇之末以廣其法以其傷寒文多節略故取自雜病以下終於飲食禁忌凡二十五篇除重複各二百六十二方勒成上中下三卷依舊名曰金匱要略

五十四卷

方臣竒嘗讀魏志華佗傳云出書一卷曰此書可以活人每觀華佗凡所療病多尚竒怪不合聖人之經臣竒謂活人者必仲景書也大抵炎農聖法屬我盛旦恭惟

王上丕承大統撫育元元頒行方書拯濟疾苦使和氣

盈溢而萬物莫不盡和矣太子右贊善大夫臣高保衡尚書都官員外郎臣孫竒尚書司封郎中充秘閣校理臣林億等謹上

金匱要略方敘

仲景金匱錄岐黃難素之方近將千卷患其混雜煩重有求難得故周沅華喬九洲之內收合竒異摭拾遺逸揅而集之揀選諸經筋髓以為要略一編其諸救療暴病使知其次第凡此藥石者是諸神仙之所造服之將之固無夭橫或治療不早或被師誤幸具詳焉

金匱要略方卷上

上海圖書館藏

宋

明

清

藏

漢張仲景述

晉王叔和集

臣林億等詮次

問曰上工治未病何也師曰夫治未病者見肝之病知肝傳脾當先實脾四季脾正不受邪即勿補之中工不曉相傳見肝之病不解實脾惟治肝也夫肝之病補用酸助用焦苦益用甘味之藥調之酸入肝焦苦入心甘入脾脾能傷腎腎氣微弱則水不行水不行則心火氣盛火氣盛則傷肺肺被傷則金氣不行金氣不行則肝氣盛則肝自愈此治肝補之要妙也肝虛則用此法實則不在用之經云虛虛實實補不足損有餘是其義也餘藏準此夫人稟五常因風氣而生長風氣雖能生萬物亦能害萬物如水能浮舟亦能覆舟若五藏元真通暢人即安和客氣邪風中人多死十般疾難不越三條一者經絡受邪入藏府

果

一

為內所因也二者四肢九竅血脉相傳壅塞不通為外皮膚所中也三者房室金刃蟲獸所傷以此詳之病由都盡若人能養慎莫令邪風干忤經絡適中經絡未流傳府藏即醫治之四肢亦覺重滯即導引吐納針灸膏摩勿令九竅閉塞更能無犯王法禽獸災傷房室勿令竭之服食節其冷熱苦酸辛甘不道形體有衰病則無由入其腠理腠者是三焦通會元真之處為血氣所注理者是皮膚藏府之文理也

藏府經絡先後病脉證第一

症濕暈病脉證并治第二

百合狐惑陰陽毒病脉證并治第三

瘡病脉證并治第四

中風歷節病脉證并治第五

火氣盛則傷脾

火字上意

則肝自愈

則字上意

則治肝補之要妙

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

一傳字

血痺虛勞病脈證并治第六

肺痿肺癰欬嗽上氣病脈證并治第七

奔豚氣病脈證并治第八

腎痺心痛短氣病脈證并治第九

腹滿寒疝宿食病脈證并治第十

藏府經絡先後病脈證第十一

問曰病人有氣色見於面部願聞其說師曰鼻頭青色腹中痛  
苦冷者死云腹中冷鼻頭色微黑者有水氣色黃者背上  
寒色白者亡血色設微赤非時者死其目正圓者瘥不治  
又色青為痛色黑為勞色赤為風色黃者便難色鮮明者有壅  
飲

師曰病人語聲寂然喜驚呼者骨節間病語聲喑然不徹

卷之六

二

諸病皆由氣血不和而生

卷之六

二

者心膈間病語聲啞細而長者頭中病一作

痿唾沫

師曰吸而微數其病在中焦實也當下之即愈虛者不治在上

焦者其吸促在下焦者其吸遠此皆難治呼吸動搖振者不

治

師曰寸口脈動者因其王時而動假令肝王色青四時各隨其

色肝色青而反色白非其時色脈皆當病

問曰有未至而至有至而不至有至而去有至而太過何謂

也師曰冬至之後甲子夜半少陽起少陰之時陽始生天得溫

和以未得甲子天因溫和此為未至而至也以得甲子而天未

溫和此為至而不至也以得甲子而天大寒不解此為至而不

水時陽始生

卷之六

去也以得甲子而天溫如盛夏五六月時此為至而太過也

師曰病人脉浮者在前其病在表浮者在後其病在裏腰痛背強不能行必短氣而極恐

問曰經云厥陽獨行何謂也師曰此為有陽無陰故稱厥陽

問曰寸脉沈大而滑沈則為實滑則為氣實氣相搏血氣入藏即死入府即愈此為卒厥何謂也師曰唇口青身冷為入藏即死如身和汗自出為入府即愈

問曰脉脫入藏即死入府自愈何謂也師曰非一病百病皆然辟如浸淫瘡從口起流向四肢者可治從四肢流來入口者不可治諸病在外者可治入裏者即死

問曰陽病十八何謂也師曰頭痛項腰脊辭脚掣痛問曰陰病十八何謂也師曰欬上氣喘噦咽腸鳴脹滿心痛拘急五藏病

各有十八合為九十病人又有六微微有十八病合為一百八病五勞七傷六極婦人三十六病不在其中清邪居上濁邪居下大邪中表小邪中裏榮衄之邪從口入者宿食也五邪中人各有法度風中於前寒中於暮濕傷於下霧傷於上風令脉浮寒令脉急霧傷皮膚濕流關節食傷脾胃極寒傷經極熱傷絡問曰病有急當救裏救表者何謂也師曰病醫下之續得下利清穀不止身體疼痛者急當救裏後身體疼痛清便自調者急當救表也

夫病痼疾加以卒病當先治其卒病後乃治其痼疾也

師曰五藏病各有得者愈五藏病各有所惡各隨其所不喜者為病病者素不應食而反暴思之必發熱也

夫諸病在藏欲攻之當隨其所得而攻之如渴者與猪苓湯他

皆做此

瘧濕喝病脉證并治第二

證一十六條  
論一首方一十一首

太陽病發熱無汗反惡寒者名曰剛瘧

一作瘧  
餘同

太陽病發熱汗出而不惡寒名曰柔瘧

太陽病發熱脉沈而細者名曰瘧為難治

太陽病發汗太多因致瘧

病者身熱足寒頸項強急惡寒時頭熱面赤目脉赤獨頭動搖

卒口噤背反張者瘧病也

瘧病發其汗者寒濕相得其表益虛即惡寒甚發其汗已其脉

如蛇脉澹澹暴腹脹大者為欲解脉如故反伏弦者瘧

疾風病下之則瘧復發汗必拘急

夫瘧脉按之緊如弦直上下行

集解

瘧病有矣瘧難治

瘧家雖身疼痛不可發汗汗出則瘧

太陽病其證備身體強几然脉反沈遲此為瘧栝樓桂枝湯

主之方

栝樓根

文兩  
桂枝

文兩  
芍藥

文兩

甘草

文兩

生薑

文兩

大棗

拾枚

右六味以水九升煮取三升去滓分溫三服取微汗

汗不出食頃啜熱粥發之

太陽病無汗而小便反少氣上衝背口噤不得語欲作剛瘧葛

根湯主之方

葛根

四兩

麻黃

去節

桂枝

文兩

生薑

文兩

甘草

文兩

芍藥

文兩

大棗

拾枚

右七味以水一斗先煮麻黃葛根二沸去上沫內諸藥者取三升去滓溫服一升取微似汗

剛痊為病肯滿口噤臥不着席神學念其人必斷齒可與大承氣湯方

大黃

四兩去皮酒洗

厚朴

半斤炙

枳實

五枚炙

芒消

卷合

右四味以咀以水一斗先煮二味取五升內大黃更煮取二升去滓內芒消更上微火一兩沸分溫再服一服得下餘勿服

太陽病關節疼痛而煩脈沈而細一作緩者此名濕痺玉函云濕中漏

痺之候其人小便不利大便反快但當利其小便濕家之為病一身盡疼發熱身色如熏黃也

濕家其人但頭汗出背強欲得被覆向火若下之早則噤口滿

要略

小便不利舌上如胎者以丹田有熱背上有寒渴欲得飲而不能飲則口燥煩也

濕家下之額上汗出微喘小便不利云者死若下利不止者亦死

風濕相搏一身盡疼痛法當汗出而解值天陰雨不止醫云此可發汗汗之病不愈者何也答曰發其汗汗大出者但風氣去濕氣在是故不愈也若治風濕者發其汗但微似欲出汗者風濕俱去也

濕家病身上疼痛發熱面黃而喘頭痛鼻塞而煩其脉大自能飲食腹中和無病病在頭中寒濕故鼻塞內藥鼻中則愈

濕家身煩疼可與麻黃湯加木四兩發其汗為宜慎不可以火攻之方

麻黃

去節 參兩

桂枝

去皮 參兩

甘草

炙 兩

杏仁

去皮 炙 十

白朮

四兩

右五味㕮咀以水九升先煮麻黃一二沸去上沫內諸藥

煮取二升去滓溫服八合取微似汗

病者一身盡疼發熱日晡所劇者此名風濕此病傷於汗出當風或久傷取冷所致也可與麻黃杏仁薏苡甘草湯方

麻黃

去節 參兩

杏仁

去皮 炙 十

薏苡仁

壹兩

甘草

炙 兩

右四味㕮咀以水四升先煮麻黃一二沸去上沫內諸藥煮取二升去滓分溫再服

風濕脉浮身重汗出惡風者防已黃耆湯主之方

防已

四兩

黃耆

五兩

甘草

炙 兩

白朮

參兩

生薑

式兩 切

大棗

拾式 枚 擘

藥方

六

右六味㕮咀以水七升煮取二升去滓分溫三服喘者加

麻黃胃中不和者加芍藥氣上衝者加桂下有陳寒者加

細辛服後當如蟲行皮中從腰以上如冰後坐被上又以

一被繞腰以溫下令微汗差

作腰以上戴

傷寒八九日風濕相搏身體疼痛煩不能自轉側不嘔不渴脉浮

虛而濡者桂枝附子湯主之若其人大便堅小便不利者木附

子湯主之

桂枝附子湯方

桂枝

式兩 去皮

附子

壹枚 炮 破

生薑

叁兩 切

大棗

拾式 枚 擘

甘草

式兩 炙

右五味㕮咀以水六升煮取二升去滓分溫三服

木附子湯方

附子

去皮炮

白朮

四兩

生薑

剉切 甘草 炙 兩

大棗

拾枚

右五味改咀以水六升煮取二升去滓分溫三服初服  
其人身如痺半日許復服之都盡其人如冒狀勿怪此以  
附子木併走皮內逐水氣未得除故使之耳法當加桂四  
兩此本一方二法以大便堅小便自利故去桂也以大便  
不堅小便不利當加桂附子三枚恐多也虛弱家及產婦  
宜減服之

風濕相搏骨節疼痛掣痛不得屈伸近之則痛劇汗出短氣小  
便不利惡風不欲去衣或身微腫者甘草附子湯主之方

甘草

炙 兩

附子

去皮炮 白朮

三兩

桂枝

四兩 去皮

右四味改咀以水六升煮取三升去滓溫服一升日三服

附子去皮炮

初服得微汗則解能食汗止復煩者將服五合恐一升多

者宜服六七合為始

千金云身痺者加防已四兩傳氣小 便不利加茯苓三兩既有附子全如

太陽中熱者暍是也其人汗出惡寒身熱而渴白虎加人參湯  
主之方

知母

陸兩

石膏

壹斤 碎 粳米

陸合

人參

叁兩

右五味改咀以水一斗煮米熟湯成去滓溫服一升日三服  
太陽中暍身熱疼重而脉微弱此以夏月傷冷水水行皮中所  
致也瓜蒂湯主之方

瓜蒂

五升 枚

右一味以水一升煮取五合去滓頓服  
太陽中暍發熱惡寒身重而疼痛其脉弦細訕遲小便已酒

然毛聳手足逆冷小有勞身即熱口開前板齒燥若散其汗則惡寒甚如溫針則散熱甚數下之則淋甚

百合狐惑陰陽毒病脉證并治第三論一首 證三條

論曰百合病者百脉一宗悉致其病也意欲食復不能食常默然欲得臥復不能臥欲出行復不能行飲食或有美時或有不聞食飲臭時如寒無寒如熱無熱口苦小便赤諸藥不能治得藥則劇吐利如有神靈者身形如和其脉微數每溺時頭痛者六十日乃愈若溺頭不痛漸然者四十日愈若溺快然但頭眩者二十日愈其證或未病而預見或病四五日而出或病二十日或一月微見者各隨證治之

治百合病發汗後者百合知母湯方

百合葉枚 知母葉兩切

右二味先以水洗百合漬一宿當白沫出去其水更以泉水二升煮取一升去滓別以泉水二升煮知母取一升去滓後合和重煎取一升五合分溫再服

治百合病下之後者百合滑石代赭湯方

百合葉枚 滑石二兩綿裹 代赭如彈光壹枚綿裹

右三味先以水洗百合漬一宿當白沫出去其水更以泉水二升煮取一升去滓別以泉水二升煮滑石代赭取一升去滓後合和重煎取一升五合分溫再服

治百合病吐之後者百合雞子湯方

百合葉枚 雞子黃壹枚

右二味先以水洗百合漬一宿當白沫出去其水更以泉水二升煮取一升去滓內雞子黃攪令調分溫再服

治百合病不經吐下發汗病形如初者百合地黃湯方

百合

藥枚

生地黃汁壹升

右二味先以水洗百合漬一宿當白沫出去其水更以泉水二升煮取一升去滓內地黃汁煮取一升五合分溫再服中病勿更服大便當如漆

百合病一月不解變成渴者百合洗方

百合

壹升

右一味以水一斗漬之一宿以洗身洗已食煮餅勿與鹽豉也

渴不差枯樓牡蠣散主之方

枯樓根

牡蠣熬等分

右二味杵為散飲服方寸匕日三服

要略

治百合病變發熱一作發寒熱百合滑石散方

百合

壹兩

滑石叁兩

右二味杵為散飲服方寸匕日三服當微利者止勿服之熱則除

百合病見於陰者以陽法救之見於陽者以陰法救之見陽攻陰復發其汗此為逆見陰攻陽乃復下之此亦為逆

狐惑之為病狀如傷寒然欲眠目不得閉臥起不安蝕於喉為惑蝕於陰為狐不欲飲食聞食臭其面目乍赤乍黑乍白蝕於上部則聲喝一作變甘草瀉心湯主之方

甘草

四兩

黃芩

人參

乾薑

各壹兩

黃連

壹兩

大棗

拾貳枚

半夏

半升

右七味以水一斗煮取六升去滓再煎溫服一升日

三服

蝕於下部則咽乾苦參湯洗之  
蝕於肛者雄黃熏之方

雄黃一味為末碗瓦二枚合之燒向肛熏之

病者脉數無熱微煩點點但欲臥汗出初得之三四日目赤如  
鳩眼七八日目四眦黑若能食者膿已成也赤小豆當歸散主  
之方

赤小豆叁升浸令芽出暴乾

當歸叁兩

右二味杵為散潌水服方寸匕日三服

陽毒之為病面赤斑斑如錦文喉咽痛唾膿血五日可治七日  
不可治陰毒之為病面目青身痛狀如被打喉咽痛死生與陽  
毒同升麻鼈甲湯並主之方

通鑑

升麻貳兩

當歸壹兩

蜀椒壹兩

鼈甲如手大一片炙

甘草貳兩

雄黃半兩

右六味咬咀以水四升煮取一升去滓頓服之老小再服

取汗陰毒去雄黃蜀椒

時後下食陽毒用升麻湯無雄黃  
甲有桂陰毒用甘草湯無雄黃

瘡病脉證并治第四方證二瘡方六首

師曰瘡脉自弦弦數者多熱弦遲者多寒弦小緊者下之差弦  
遲者可溫之弦緊者可殺汗針灸也浮大者可吐之弦數者風  
疾也以飲食消息止之

問曰瘡以月一日發當以十五日愈設不差當月盡解也如其  
不差當云何師曰此結為癰瘕名曰瘡母急治之宜鼈甲煎丸  
方

鼈甲拾分炙

烏扇壹分

黃芩叁分

柴胡陸分

錄脫肉

要略

六

鼠婦叁分

乾薑叁分

大黃叁分

芍藥五分

桂枝叁分

葶藶叁分

石韋叁分

厚朴叁分

牡丹五分

瞿麥叁分

紫葳叁分

半夏壹分

人參壹分

麝香五分

阿膠叁分

蜂巢四分

赤消拾分

蛻蝦六分

桃人叁分

蜂窠四分

右二十三味為末取煨蠶下灰一斗清酒一斛五斗浸灰

候酒盡一半着蠶甲於中煮令泛爛如膠漆絞取汁內諸

藥煎為丸如梧桐子大空心服七丸日三服十二斤又有

師曰陰氣孤絕陽氣獨發則熱而少氣煩滿手足熱而欲嘔名

曰痺瘡若但熱不寒者邪氣內藏於心外舍分肉之間令人消

錄脫肉

溫瘧者其脉如平身無寒但熱骨節疼痛煩時嘔白虎如桂枝湯主之方

知母陸兩

甘草貳兩

石膏壹斤 粳米陸合

桂枝叁兩

右五味以水一斗二升煮米熟去滓煎取三升溫服

一升日三服汗出愈

瘧多寒者名曰牡瘧蜀漆散主之方

蜀漆洗去

雲母燒之三夜 龍骨等分

右三味杵為散未散前以滾水服半錢溫瘧如蜀漆半分

臨發時服一錢上作雲實

附方

治牡瘧牡蠣湯方

牡蠣四兩 熬

麻黃四兩 去節

甘草二兩 炙

蜀漆洗去腥 二兩

右四味以水八升先煮蜀漆麻黃去上沫得六升內諸藥煮取二升去滓溫服一升吐則勿更服見外臺

瘧病散渴者與小柴胡去半夏加栝樓湯方

柴胡八兩

人參

黃芩

甘草炙各 二兩

栝樓根四兩

生薑二兩 切

大棗拾枚 擘

右七味以水一斗二升煮取六升去滓再煎取三升

溫服一升日三

見外臺經心 銀治勞瘵

柴胡桂薑湯方

此方治寒多數有熱或但寒 不熱服一劑如神故錄之

柴胡八兩

桂枝二兩 去皮

黃芩二兩

栝樓根四兩

牡蠣熬

甘草

乾薑各二兩

右七味以水一斗二升煮取六升去滓再煎取三升

要略六

二

溫服一升日三初服微煩汗出愈

出傷寒論

中風歷節病脈證并治第五

論一首脈證三條方 十一首 肺氣附

夫風之為病當半身不遂或但臂不遂者此為痺脈微而數中

風使然寸口脈浮而緊緊則為寒浮則為虛寒虛相搏邪在皮

膚浮者血虛絡脉空虛賊邪不濕或左或右邪氣反緩正氣即

急正氣引邪喝僻不遂邪在絡肌膚不仁邪在經即重不

勝邪入於府即不識人邪入於藏舌即難言口吐涎

大風四肢煩重心中惡寒不足者侯氏黑散主之

外臺治 風癰

菊花

肆拾 分

白朮

拾分

細辛

叁分

茯苓

叁分

牡蠣

叁分 熬

桔梗

捌分

防風

拾分

人參

叁分

礬石

叁分 熬

黃芩

伍分

當歸

叁分

乾薑

叁分

芍藥

叁分

桂枝

叁分 去皮

右十四味杵為散酒服方寸匕日一服初服二十日溫酒下之禁一切魚肉大蒜常宜冷食六十日止即藥積在腹中不下也熱食即下矣冷食自能助藥力外臺有鍾乳石各三分無病便服風引除熱主癰癩湯方

石膏

乾薑

龍骨各肆兩

桂枝參兩去皮

甘草炙

牡蠣熱各文兩

凝水石

滑石

赤石脂

白石脂

石膏

紫石英各陸兩

右十二味杵麤篩以韋囊盛之取三指撮并華水三升煮

三沸去滓溫服一升深師云治大人風引少小驚癇痰癲日數十散醫所不療除熱方集源脾

氣宜風引湯

病如狂狀妄行獨語不休無寒熱其脈浮防已地黃湯主之方

防已壹分

桂枝壹分去皮

防風叁分

甘草貳分炙

雲時二

三

右四味㕮咀以酒一斛漬之一宿絞取汁取生地黃二斤㕮咀蒸之如米飯久以銅器盛其汁更絞地黃等汁和分

再服

頭風摩散方

大附子壹枚炮去皮

鹽等分

右二味為散沐子以方寸匕摩拭上令藥力行

寸口脈沈而弱沈即主骨弱即主筋沈即為腎弱即為肝汗出入水中如水傷心虛節黃汗出故曰虛節

跌陽脈浮而滑滑則穀氣實浮則汗自出

少陰脈浮而滑弱則血不足浮即為風風血相搏即疼痛如掣

盛人脈滿小短氣自汗出虛節疼不可屈伸此皆飲酒汗出當

風所致

諸肢節疼痛身體魁癰脚腫如脫頭眩短氣溫上欲吐桂枝芍藥知母湯主之方

桂枝

律兩去皮

芍藥

卷兩

甘草

式兩炙

麻黃

去節去兩

生薑

伍兩切

白朮

伍兩

知母

律兩

防風

律兩

附子

式兩炮去皮破

右九味㕮咀以水七升煮取二升去滓溫服七合日三服病瘧節疼痛不可屈伸烏頭湯主之方

烏頭

五枚㕮咀煎取一升即烏頭

甘草

炙

麻黃

去節

芍藥

黃耆

各卷兩

右五味㕮咀四味以水三升煮取一升去滓內蜜煎中更煎之服七合不知盡服之

治脚氣衝心方

要略二

十四

礬石

式兩

右一味以採水一斗五升煎三五沸浸脚良

附方

續命湯治中風痺身體不能自收口不能言冒昧不知痛處或拘急不得轉側姚云與大續命同兼治婦人產後去血者及老人小兒方

麻黃

卷兩去節

桂枝

去皮

當歸

人參

石膏

碎綿裹

乾薑

甘草

炙各卷兩

芎藭

壹兩

杏仁

律拾枚去皮尖

右九味㕮咀以水一斗煮取四升去滓溫服一升當小汗薄覆春憑几坐汗出則愈不汗更服無所禁勿當風并治但伏不得臥欬逆上氣面目洪腫

元古今錄驗方范王云是仲景方

治中風手足拘急百節疼痛煩熱心亂惡寒經日不欲飲食三黃湯方

麻黃

去節

獨活

細辛

黃耆

黃芩

叁分

右五味㕮咀以水六升煮取二升去滓分溫三服一服小汗兩服大汗心熱加大黃二分腹痛加枳實一枚氣逆加人參三分悸加牡蠣三分渴加栝樓根三分先有寒加附子一枚見千金

治風虛頭重眩苦極不知食味暖肌補中益精氣木附子湯見方

風濕中見近効

治腳氣上入必腹不仁服八味丸方

乾地黄

捌兩

署預

山茱萸

各肆兩

澤瀉

藥方一

五

茯苓

牡丹皮

各叁兩

桂枝

去皮

附子

能去皮各壹兩

右八味末之鍊蜜和丸如梧桐子大酒下十五丸日再服加至二十五丸見崔氏

治肉極熱則身體津脫膝理開汗大泅屬風氣下焦脚弱越婢加朮湯方

麻黃

陸兩去節

石膏

半斤

生薑

叁兩切

甘草

貳兩炙

大棗

拾伍枚擘

白朮

肆兩

右六味㕮咀以水六升先煮麻黃再沸去上沫內諸藥煮取三升去滓分溫三服惡風加附子一枚炮見千金

血痺虛勞病脈證并治第六方

論一首證九條

問曰血痺病從何得之師曰夫尊樂人骨弱肌膚盛重因疲勞汗出臥不時動搖加被微風遂得之但以脉自微澹在寸口關

上小緊宜針引陽氣令脉和緊去則愈

血痺陰陽俱微寸口關上微尺中小緊外證身體不仁如風狀

黃耆桂枝五物湯主之方

黃耆 秦兩

芍藥 秦兩

桂枝 秦兩

生薑 陸兩

大棗 枹擘

右五味㕮咀以水六升煮取二升去滓溫服七合日三服

人一方有

夫男子平人脉大為勞極虛亦為勞

男子面色薄者主渴及亡血卒喘悸脉浮者裏虛也

男子脉虛沈弦無寒熱短氣裏急小便不利面色白時目瞤兼

衄以腹滿此為勞使之然勞之為病其脉浮大手足煩春夏劇

秋冬差陰寒精自出酸削不能行

五十二

五

男子脉微弱而澁為無子精清冷

一作

夫失精家必腹弦急陰頭寒目眩

一作目眩痛

髮落脉極虛乾遲為

清穀亡血失精

脉得諸乾動微緊男子失精女子夢交通桂枝加龍骨牡蠣湯

主之方

桂枝 去皮

芍藥

生薑 切各

甘草 炙兩

大棗 枹擘

龍骨

牡蠣 熬各

右七味㕮咀以水七升煮取三升去滓分溫三服

小品云

燕汗出者除桂加白薇附子

各三分故曰二加龍骨湯

天雄散亦主之方

天雄 秦兩

白朮 剉兩

桂枝 陸兩

龍骨 秦兩

右四味杵為散酒服半錢上不知稍增之

男子平人脉虛弱細微者善盜汗也

脉經云盜汗出也

人年五六十其病脉大者痺俠背行苦腸鳴馬刀俠腰者皆為

勞得之

脉經云人年五十六十其脉浮大者

脉沈小遲名脫氣其人疾行則喘喝手足逆寒腹滿甚則溲

食不消化也

脉弦而大弦則為減大則為芤減則為寒芤則為虛虛寒相搏

此名為革婦人則半產漏下男子則亡血失精

虛勞裏急悸

右四條古本並無鄧氏所編金匱方却有之今依補入並見脉經第八卷虛勞脈證第六

胸腹中痛夢失精四肢酸疼手足煩熱咽乾口燥

小建中湯主之方

桂枝

去皮

芍藥

陸兩

甘草

炙兩

生薑

陸兩

大棗

拾式

膠飴

壹升

要略

七

右六味改以水七升煮五味取三升去滓內膠飴令消

溫服一升日三服

温服一升日三服因家不可服此湯以甜故也十金瘡男

沈重骨肉痠疼發熱少氣行動喘乏或飲食無味胸脇脹滿

心中虛悸咽乾唇燥面體少色或飲食無味胸脇脹滿

渴不舉多臥少起甚者積年經者百日漸致瘦弱五臟氣

病名曰黃者定中湯

湯又有人參二兩

虛勞裏急諸不足黃耆建中湯主之方

黃耆

拾式

桂枝

去皮

生薑

陸兩

芍藥

陸兩

右七味改以水七升先煮六味取三升去滓內膠飴令

消溫服一升日三服

夏三

虛勞腰痛必腹拘急小便不利者八味腎氣丸主之

方見前

虛勞諸不足風氣百疾署預丸主之方

署預分拾

當歸

桂枝去皮

麴

乾地黄

大豆黃卷各拾分

甘草炙拾捌分

人參赤分

芍藥

芍藥

白朮

麥門冬去心

杏仁去皮尖熬

柴胡

桔梗

茯苓各伍分

阿膠炙各

乾薑叁分

白欬貳分

防風陸分

大棗百枚為膏

右二十一味末之鍊蜜和丸如彈子大空腹酒服十九一

百丸為劑

虛勞虛煩不得眠酸棗湯主之方

酸棗人貳升甘草壹兩

知母貳兩

茯苓貳兩

芎藭貳兩

要略上

六

右五味以咀以水八升煮酸棗人得六升內諸藥煮取三

升去滓分溫三服深師有注

五勞虛極羸瘦腹滿不能飲食食傷憂傷飲傷房室傷飢傷勞

傷經絡榮衛氣傷內有乾血肌膚甲錯兩目黯黑緩中補虛大

黃廐蟲丸主之方

大黃拾分

黃芩貳兩

甘草炙兩

桃人壹升去

杏仁壹升同

芍藥肆兩

乾地黄拾兩

乾漆壹兩

廐蟲壹升去

水蛭壹百枚熬

鱗鱗壹升

廐蟲半升

右十二味末之鍊蜜和丸小豆大酒飲服五丸日三服

附方

虛勞不足汗出而悶脉結心悸行動如常不出百日危急者一

十一日死炙甘草湯主之方祿湯

甘草

脾兩

桂枝

去皮

生薑

切各

麥門冬

去心

麻仁

半升

人參

式兩

阿膠

式兩

大棗

拾枚

生地黃

切斤

右九味以酒七升水八升先煮八味取三升去滓內

膠消盡溫服一升日三服

見千金翼

治冷勞又主鬼症一門相染癰肝散方

癰肝一具炙乾末之水服方寸匕日三服

見肘後非仲景方

肺痿肺癰欬嗽上氣病脉證并治第七

論一首脉證四

問曰熱在上焦者因欬為肺痿肺痿之病何從得之師曰或從汗出或從嘔吐或從消渴小便利數又被快藥下利重亡津液故得之

問曰寸口脉數其人欲口中反有濁唾涎沫者何師曰此為肺

痿略上

尤

痿之病若口中辟燥欬即胸中隱痛脉反滑數此為肺癰

欬唾膿血肺數虛者為肺痿數實者為肺癰

問曰病欬逆脉之何以知此為肺癰當有膿血吐之則死其脉

何類師曰寸口脉微而數微則為風數則為熱微則汗出數則

惡寒風中於衛呼氣不入熱過於榮吸而不出風傷皮毛熱傷

血脉風舍於肺其人則欬口乾喘滿咽燥不渴唾而濁沫時

振寒熱之所過血為凝滯畜結癰膿吐如米粥始萌可救膿成

則死

上氣面浮腫肩息其脉浮大不治又加利尤甚

上氣躁而喘者屬肺脹欬作風水發汗則愈

肺痿吐涎沫而不能欬者其人不渴必遺溺小便數所以然者

以上虛不能制下故也此為肺中冷必眩甘草乾薑湯以溫其

病方

甘草

韋兩

乾薑

貳兩

右二味㕮咀以水四升煮取一升半去滓分溫再服服湯已小溫覆之若渴者屬消渴

嗽而上氣喉中水雞聲射干麻黃湯主之方

射干

拾叁枚

麻黃

貳兩

生薑

肆兩

細辛

壹兩

紫苑

叁兩

款冬花

叁兩

五味子

半升

半夏

七者別枚

大棗

桴枚

右九味㕮咀以水一斗二升先煮麻黃兩沸去上沫內諸藥煮取三升去滓分溫三服

效逆氣上衝唾濁但坐不得臥皂莢丸主之方

皂莢

壹挺剉去皮

要略上

二

右一味末之蜜九梧桐子大以棗膏和湯服三九日三夜一服

上氣脉浮厚朴麻黃湯主之方

厚朴

伍兩

麻黃

肆兩

石膏

如雞子

杏仁

半升去

乾薑

貳兩

細辛

貳兩

小麥

壹升

五味子

半升

半夏

半升

右九味㕮咀以水一斗二升先煮小麥熟去滓內諸藥煮取三升去滓溫服一升日三服

脉沈者澤漆湯主之方

澤瀉

壹斗以陳流水五斗煮取一斗五升

半夏

半升

紫參

伍兩

一作紫苑

生薑

伍兩

白前

伍兩

甘草

壹兩

黃芩

壹兩

人參

叁兩

桂枝

壹兩

右九味。以咀內澤漆汁中煮取五升去滓溫服五合至夜盡

大逆上氣喉咽不利止逆下氣者麥門冬湯主之方

麥門冬

洗升

半夏

壹升

人參

貳兩

甘草

貳兩

粳米

壹合

大棗

拾枚

右六味以咀以水一斗二升煮取六升去滓溫服一升日

三夜一服

肺癰喘不得臥葶藶大棗瀉肺湯主之方

葶藶

熱令黃色

大

大棗

拾枚

右先以水三升煮棗取二升去棗內葶藶煮取一升頓服

之

欬而胸滿振寒脉數咽乾不渴時出濁唾腥臭久吐膿如米

要略二

三

粥者為肺癰桔梗湯主之方

桔梗

壹兩

甘草

貳兩

右二味以咀以水三升煮取一升去滓分溫再服劇吐膿

血也

亦治喉痺

欬逆倚息此為肺脹其人喘目如脫狀脉浮大者越婢加半夏湯主之方

麻黃

陸兩

石膏

半斤

生薑

陸兩

大棗

拾枚

甘草

貳兩

半夏

半升

右六味以咀以水六升先煮麻黃再沸去上沫內諸藥煮

取三升去滓分溫三服

肺脹欬而上氣煩躁而喘脉浮者心下水小青龍加石膏湯主之方

麻黃

去節

芍藥

桂枝

細辛

甘草

炙

乾薑

各卷

五味子

半夏

洗各

石膏

碎西

附方

右九味以咀以水一斗先煮麻黃減二升去上沫內諸藥取三升去滓強人服一升羸者減之日三服小兒服四合

肺痿涎唾多心中溫

液

者炙甘草湯主之

方見虛勞門中見外臺

又甘草湯方

甘草

炙

右一味以咀以水三升煮取一升半去滓分溫三服

見千

肺痿欬唾涎沫不止咽燥而渴生薑甘草湯主之方

生薑

切西

人參

炙

甘草

炙

大棗

拾伍枚擘

要略上

三

右四味以咀以水七升煮取三升去滓分溫三服

見千

肺痿吐涎沫桂枝去芍藥加皂莢湯主之方

桂枝

去芍藥

生薑

炙

甘草

炙

大棗

拾伍枚擘

皂莢

炙

右五味以咀以水七升微

火

煮取三升去滓分溫三服

見千

欬而胸滿振寒脈數咽乾不渴時出濁唾腥臭久吐膿如米

粥者為肺癰桔梗白散主之方

桔梗

炙

貝母

炙

巴豆

炙

分去皮心

右三味為散強人飲服半錢羸者減之病在膈上者吐

出在膈下者瀉出若下多不止飲冷水一桮則定

見外臺

治肺癰葶藶湯方

葦葉

切或升

薏苡人半升

桃人

伍拾枚去皮炙

瓜瓣半升

右四味以水一斗先煮葦得五升去滓內諸藥煮取二升分溫再服當吐如膿鏡千

肺癰胸滿脹一身面目浮腫鼻塞清涕出不聞香臭酸辛祇逆上氣喘鳴迫塞葦薤大棗瀉肺湯主之用上方三日一劑可至三四劑此先服小青龍湯一劑乃進之小青龍湯方

麻黃

去節

桂枝

細辛

甘草炙

乾薑

各叁兩

五味子

半夏

洗各半升

芍藥

叁兩

右八味以水一斗先煮麻黃減二升去上沫內諸藥煮取三升去滓溫服一升渴者去半夏加栝樓根三兩微利者去麻黃加羌活一雞子大熬噎者去麻黃加附子一枚炮小便利者去麻黃加茯苓四兩喘者去麻黃加杏

人半升

嗽而上氣肺脹其脈浮心下有水氣脅下痛引缺盆小青龍加石膏湯主之方見上並見千金

奔脫氣病脈證并治第八

論二首方三首

師曰病有奔脫有吐膿有驚怖有火邪此四部病皆從驚發得之

師曰奔脫病者從心腹起上衝咽喉發作欲死復還止皆從驚恐得之

奔脫氣上衝胸腹痛往來寒熱奔脫湯主之方

甘草

炙

芍藥

當歸

各叁兩

半夏

洗兩

黃芩

式兩

生薑

伍兩

芍藥

式兩

生薑

肆兩切

甘李根白皮

切壹升

右九味㕮咀以水二斗煮取五升去滓溫服一升日三夜  
一服

燒鹹令其汗鹹處被寒枝起而赤者必發奔脫氣從少腹上衝  
心者灸其核上各一壯與桂枝加桂湯方

桂枝伍兩  
去皮

芍藥伍兩

生薑伍兩  
切

甘草貳兩  
炙

大棗拾伍  
枚擘

右五味㕮咀以水七升煮取三升去滓溫服一升本云桂  
枝湯今加桂滿五兩所以加桂者以能洩奔脫氣也

發汗後其人臍下悸者欲作奔脫茯苓桂枝甘草大棗湯主之  
方

茯苓半斤

桂枝肆兩  
去皮

甘草壹兩  
炙

大棗拾伍  
枚擘

右四味㕮咀以甘爛水一斗先煮茯苓減二升內諸藥煮

要略上

三

取三升去滓溫服一升日三服

作甘爛水法

取水三斗置大盆內以杓揚之水上有珠子五七千顆相  
逐取用之

胸痺心痛短氣病脉證并治第九

論一首證一  
條方一十首

師曰夫脉當取太過不及陽微陰弦即胸痺而痛所以然者  
責其極虛也今陽虛知在上焦所以胸痺心痛者以其陰弦故  
也

平人無寒熱短氣不足以息者實也

胸痺之病喘息噎胸苦痛短氣寸口脉沈而遲關上小緊數

枳椇薤白白酒湯主之方

枳椇實壹枚

薤白切半

白酒柒升

右三味同煮取二升去滓分溫再服

胸痺不得臥心痛徹背者栝樓薤白半夏湯主之方

栝樓實

壹枚

薤白

切壹兩

半夏

半升洗切

白酒

壹斗

古四味同煮取四升去滓溫服一升日三服

胸痺心中痞留氣結在胸胸滿脇下逆搶心枳實薤白桂枝湯主之方

枳實

壹肆枚

厚朴

炙肆兩

薤白

切半斤

桂枝

去皮壹兩

栝樓實

壹枚

右五味㕮咀以水五升先煮枳實厚朴取二升去滓內諸藥煮三沸去滓分溫三服

理中湯亦主之方

人參

甘草

炙

乾薑

白朮

各壹兩

要略上

三

右四味㕮咀以水八升煮取三升去滓溫服一升日三服

胸痺胸中氣塞短氣茯苓杏仁甘草湯主之方

茯苓

壹兩

杏仁

伍拾个去皮尖

甘草

壹兩炙

右三味㕮咀以水一斗煮取五升去滓溫服一升日三服不差更合服

橘皮枳實生薑湯亦主之方

橘皮

壹斤

枳實

貳兩炙

生薑

半斤切

右三味㕮咀以水五升煮取二升去滓分溫再服

胸痺緩急者薤白人附子散主之方

薤白

人附子

附子

散主之方

右二味杵為散服方寸匕日三服

半錢匕

心中痞諸逆心懸痛桂枝生薑枳實湯主之方

桂枝

去皮

枳實

炙

生薑

切

右三味以水六升煮取三升去滓分溫三服

心痛徹背背痛徹心烏頭赤石脂丸主之方

烏頭

炮去皮

附子

炮去皮

半兩

赤石脂

壹兩

分

乾薑

壹兩

蜀椒

壹兩

分

右五味末之蜜丸如梧子大先食服一九日三服不知稍

增之

治九種心痛方

附子

炮去皮

巴豆

去皮

心

壹兩

生狼牙

壹兩

分

人參

壹兩

乾薑

壹兩

吳茱萸

壹兩

右六味末之鍊蜜和丸如梧子大酒下強人初服三九日

要略上

藥

一服弱者二九兼治卒中惡腹脹痛口不能言又治連年

積冷流注心胸痛并冷腫上氣落馬墜車血瘀等皆主之

禁口如常法

腹滿寒疝宿食病脈證并治第十七

脈證一十八條

跌陽脈微弦法當腹滿不滿者必便難兩胠疼痛此虛寒從下

上也當以溫藥服之

病者腹滿按之不痛為虛痛者為實可下之舌黃末下者下之

黃自去

腹滿時減復如故此為寒當與溫藥

病者痿黃躁而不渴胸中寒實而利不止者死

寸口脈弦者即脇下拘急而痛其人當惡寒也

夫中寒家喜欠其人清涕出穀熱色和者喜噦

中寒其人下利以裏虛也欲噦不能此人肚中寒痛一云

大瘦人繞臍痛必有風冷穀氣不行而反下之其氣必衝不衝者心下則痞

病腹滿數熱十日脉浮而數飲食如故厚朴七物湯主之方

厚朴半斤 炙甘草炙 兩大黃三兩大棗拾枚 擘

枳實伍枚 炙桂枝三兩 去皮生薑伍兩 切

右藥以水一斗煮取四升去滓溫服八合日三服嘔者加半夏五合下利者去大黃寒多者加生薑至半斤腹中寒氣雷鳴切痛胸脇逆滿嘔吐附子粳米湯主之方

附子壹枚 炮 去皮 八片半夏半升 洗甘草壹兩 炙大棗拾枚 擘

粳米半升

右五味以水八升煮米熟湯成去滓溫服一升日三服

要略上

三

腹滿脉數厚朴三物湯主之方

厚朴半斤 炙大黃三兩枳實伍枚 炙

右藥以水一斗二升先煮二味取五升內大黃煮取三升去滓溫服一升腹中轉動更服不動勿服

病腹中滿痛者此為實也當下之宜大柴胡湯方

柴胡捌兩黃芩叁兩芍藥叁兩半夏半升 洗

枳實拾枚 炙大棗拾枚 擘生薑伍兩 切

右七味以水一斗二升煮取六升去滓再煎取三升溫服一升一方加大黃二兩若不加恐不名大柴胡也腹滿不減減不足言當須下之宜大承氣湯方見症

心中大寒痛嘔不能飲腹中寒上衝皮起出見有頭足上下痛而不可觸近大建中湯主之方

蜀椒

式合

乾薑

肆兩

人參

式兩

右三味㕮咀以水四升去滓內膠飴一升微火煎取一升半分溫再服如一次頃可飲粥二升許更服當一日食糜溫覆之

方  
脇下偏痛散熱其脉弦緊此寒也以溫藥下之宜大黃附子湯

大黃

壹兩

附子

叁枚炮破細辛式兩

右三味㕮咀以水五升煮取二升去滓分溫三服若強人煮取二升半分三服服後如人行四五里進一服

寒氣厥逆赤九主之方

茯苓

肆兩

半夏

肆兩洗

細辛

壹兩千金

烏頭

式兩炮

附子

式兩炮

射罔

壹枚如

吳略上

六

右六味末之內真朱為色鍊蜜和丸如麻子大先食酒飲服一九日再夜一服不知二丸為度

寸口脉弦而緊弦則衛氣不行衛氣不行即惡寒緊則不欲食弦緊相搏即為寒疝寒疝繞臍痛若發則白汗出手足厥寒其脉沈弦者大烏頭煎主之方

烏頭

拾伍枚熬

右一味以水三升煮取一升去滓內蜜二升煎令水氣盡

取二升強人服七合弱人服五合不差明日更服慎不可一日再服

寒疝腹中痛及脇痛裏急者當歸生薑羊肉湯主之方

當歸

叁兩

生薑

伍兩

羊肉

壹斤

右三味㕮咀以水八升煮取三升去滓溫服七合日三服

若寒多者，加生薑成一斤，痛多而嘔者，加橘皮二兩，木一兩，加

生薑者，亦如水五升，煮取三升二合，服之。

寒疝腹中痛，逆冷手足不仁者，身疼痛，灸刺諸藥不能治，抵當

烏頭桂枝湯主之方。

烏頭

伍枝實者去角

右一味以蜜二斤煎減半去滓，以桂枝湯五合解之，令得  
一升許，初服二合，不知即服三合，又不知復更加至五合，  
其知者如醉狀，得吐者為中病。

桂枝湯方

桂枝

去皮

芍藥

生薑

各叁兩

甘草

炙四兩

大棗

拾枚擘

右五味㕮咀，以水七升煮取三升，去滓。

要略上

芩

附方

烏頭湯主寒疝腹中絞痛，賊風入腹，攻五藏，拘急不得轉側，叫

呼，發作有時，使人陰縮，手足厥逆。

用上方見外臺

夫脉浮而緊，乃強狀如弓弦，按之不移，脉數弦者，當下其寒。

脉變弦而遲者，必心下堅，脉大而緊者，陽中有陰，可下之。

寒疝腹中痛者，柴胡桂枝湯主之方。

柴胡

肆兩

黃芩

人參

芍藥

桂枝

去皮

生薑

切各壹兩半

甘草

壹兩炙

半夏

洗貳合

大棗

擘拾枚

右九味㕮咀，以水六升煮取三升，去滓，溫服一升，日三服。  
卒病走馬湯主之方。

巴豆

貳枚去皮心熱

杏仁

貳枚去皮炙

右二味取綿纏槌令碎熱湯二合捻取白汁飲之當下老  
小量之道治飛尸鬼擊病

並見外臺

問曰人病有宿食何以別之師曰寸口脈浮而大按之反濡尺  
中亦微而濇故知有宿食大承氣湯主之

方見瘕病中

脈緊者如轉索無常者有宿食

脈緊頭痛風寒腹中有宿食不化

一六寸脈緊

脈數而滑者實也此有宿食下之愈宜大承氣湯

方見瘕病中

下利不欲食者有宿食故也當下之宜大承氣湯

用上方

宿食在上管當吐之可與瓜蒂散方

瓜蒂

虛分熬黃

赤小豆

虛分熬

右二味杵為散取一錢匕以香豉一合熱湯七合煮取汁  
和散溫服之不吐者少加之快吐乃止亡血虛家不可

要略上

三

與之

金匱要略方卷上



金匱要略方卷中

上海圖書館藏

四庫全書

欽定四庫全書

漢張仲景述

晉王叔和集

臣林億等詮次

上海圖書館藏

五藏風寒積聚病脈證并治第十一

癰飲咳嗽病脈證并治第十二

消渴小便利淋病脈證并治第十三

水氣病脈證并治第十四

黃疸病脈證并治第十五

驚悸衄吐下血胸滿瘀血病脈證并治第十六

嘔吐噦下利病脈證并治第十七

瘡癰腸癰浸淫病脈證并治第十八

跌蹙手指臂脛轉筋狐疝蛇蟲病脈證并治第十九

雜療方第二十

加減崇胡飲 訶梨勒丸 倫急丸 寒食散 救卒丸

要略口

尸蹩 客忤 自縊 暈死 溺死 馬墜

五藏風寒積聚病脈證并治第十一

論一首脈證二條方三首

肺中風者口燥而喘身運而重冒而腫脹

肺中寒者吐濁涕

肺无藏浮之虛按之弱如葱葉下無根者无

肝中風者頭目瞶兩脇痛行常偃令人嗜甘

肝中寒者兩脇不舉舌本燥喜太息胸中痛不得轉側食則吐

而汗出也

脈經千金云時盜汗飲食已吐其汁

肝无藏浮之弱按之如索不來或曲如蛇行者无

肝著其人常欲蹈其胸上先未苦時但欲飲熱旋覆花湯主之

臣億等校諸本施慶沅湯方本闕

心中風者翕發熱不能起心中飢而欲食食即嘔吐

心中寒者其人苦病心如啾然狀劇者心痛徹背背痛徹心臂如蠱注其脉浮者自吐乃愈

心傷者其人勞倦即頭面赤而下重心中痛而自煩發熱當臍跳其脉弦此為心藏傷所致也

心亢藏浮之實如豆麻按之益躁疾者死

邪哭使魂魄不安者血氣少也血氣少者屬於心心氣虛者其人則畏合目欲眠夢遠行而精神離散魂魄妄行陰氣衰者為癰陽氣衰者為狂

脾中風者翕發熱形如醉人腹中煩重皮肉瞤而短氣

脾亢藏浮之大堅按之如覆杯潔狀如搖者死臣隱等詳五中寒今脾只載中風腎中風中寒俱不載者古文篇亂亡失極多云古既遠無文可以補綴也

跌陽脉浮而濇浮則胃氣強濇則小便數浮濇相搏大便則堅

要略

二

其脾為約麻子人丸主之方

麻子人式升

芍藥半斤

枳實壹斤

大黃壹斤

厚朴壹尺

杏仁壹升去皮尖熱焦

一 右六味末之鍊蜜和丸如梧子大飲服十九日三服漸加

以知為度

腎着之病其人身體重腰中冷如坐水中形如水狀反不渴小便便利飲食如故病屬下焦從身勞汗出衣裏一作裏冷濕久

得之腰以下冷痛腹重如帶五千錢甘草乾薑茯苓白朮湯主

之方

甘草貳兩

乾薑肆兩

茯苓肆兩

白朮貳兩

右四味咀咀以水五升煮取三升去滓分溫三服腰中即溫腎无藏浮之堅按之亂如轉丸益下入尺中者死

問曰三焦竭部上焦竭善噫何謂也師曰上焦受中焦氣未和不能消穀故令噫耳下焦竭即遺溺失便其氣不和不能自禁制不須治久自愈

師曰熱在上焦者因飲為肺痿熱在中焦者則為堅熱在下焦者則溺血亦令淋閉不通

大腸有寒者多驚澀有熱者便腸垢

小腸有寒者其人下重便血有熱者必痔

問曰病有積有聚有榮氣何謂也師曰積者藏病也終不移聚者府病也散作有時展轉痛移為可治榮氣者腸下痛按之則愈復發為榮氣諸積大法脉來細而附骨者乃積也寸口積在胸中微出寸口積在喉中關上積在臍傍上關上積在心下微下關積在少腹尺積在氣衝脉出左積在左脉出右積在右脉

與略口

三

兩出積在中央各以其部處之

痰飲咳嗽病脉證并治第十二

論一首脉證二十一  
方一十八首

問曰夫飲有四何謂也師曰有痰飲有懸飲有溢飲有支飲問曰四飲何以為異師曰其人素盛今瘦水走腸間漣漣有聲謂之痰飲飲後水流在脇下飲唾引痛謂之懸飲飲水流行歸於四肢當汗出而不汗出身體疼重謂之溢飲其人飲逆倚息短氣不得臥其形如腫謂之支飲

水在心心下堅築短氣惡水不欲飲

水在肺吐涎沫欲飲水

水在脾心氣身重

水在肝脇下支滿噎而痛

水在腎心下悸

夫心下有留飲其人背寒冷大如手

留飲者脇下痛引缺盆咳嗽則嘔已一作轉甚

胸中有留飲其人短氣而渴四肢歷節痛脉沈者有留飲

膈上之病滿喘欬唾噎則寒熱背痛腰疼目泣自出其人振

身羸劇必有伏飲

夫病人卒飲水多必暴喘滿凡食少飲多水停心下甚者則悸

微者短氣

脉雙弦者寒也皆大下後喜虛脉偏弦者飲也

肺飲不弦但苦喘短氣

丈飲亦喘而不能臥加短氣其脉平也

病痰飲者當以溫藥和之

心下有痰飲胸脇支滿目眩茯苓桂枝朮甘草湯主之方

要略中

四

茯苓肆兩

桂枝叁兩

白朮叁兩

甘草貳兩

右四味以水六升煮取三升去滓分溫三服小便則

利

夫短氣有微飲當從小便去之茯苓桂枝朮甘草湯主之兩上

腎氣丸亦主之方見脚氣中

病者脉伏其人欲自利利者反快雖利心下續堅滿此為留飲

飲去故也甘遂半夏湯主之方

甘遂大者

半夏拾貳枚以水一升煮取半升去滓

芍藥伍枚

甘草如指大一本無炙

右四味以水二升煮取半升去滓以蜜半升和藥汁

煎取八合頓服之

病懸飲者十棗湯主之方

羌花熬

甘遂

大戟熬

右三味搗篩以水一升五合煮大棗十枚煮取八合去滓  
內藥強人一錢匕羸人服半錢平旦溫服之不下者明日  
更加半錢下後糜粥自養

病溢飲當散其汗宜大青龍湯方

麻黃

陸兩  
去節

桂枝

式兩  
去皮

甘草

式兩  
炙

生薑

各兩

石膏

如雞子  
大解

杏仁

律拾枚  
去皮尖

大棗

拾枚  
擘

右七味以水九升先煮麻黃減二升去上沫內諸藥  
煮取三升去滓溫服一升溫覆令汗出汗出多者溫粉粉  
之一服汗者勿再服若復服汗出多亡陽逆虛惡風煩躁  
不得眠也

病溢飲者當散其汗宜小青龍湯

方見肺  
中

要略中

五

膈間支飲其人喘滿心下痞堅面色黧黑其脉沈緊得之數十  
日醫吐下之不愈木防已湯主之方

木防已

各兩

桂枝

式兩  
去皮

石膏

如雞子大  
拾式枚

人參

律兩

右四味以水六升煮取二升去滓分溫再服虛者即  
愈實者三日復發復與不愈者宜去石膏加茯苓芒消湯  
方

木防已

式兩

桂枝

式兩  
去皮

人參

茯苓

各律  
兩

芒消

叁合

右五味以水六升煮取二升去滓內芒消再微煎分  
溫再服微利則愈

心下有支飲其人苦冒眩澤瀉湯主之方

澤瀉 伍兩 白朮 貳兩

右二味㕮咀以水二升煮取一升去滓分溫再服

支飲胸滿者厚朴大黃湯主之方

厚朴 壹尺去皮炙 大黃 陸兩 枳實 肆枚炙

右三味㕮咀以水五升煮取二升去滓分溫再服

支飲不得息葶藶大棗瀉肺湯主之 方見肺癰中

嘔家本渴渴者為欲解今反不渴心下有支飲故也小半夏湯

主之方

半夏 壹升洗 生薑 半斤

右二味切以水七升煮取一升半去滓分溫再服 千金云小半夏

加茯苓湯

腹滿口舌乾燥此腸間有水氣防已椒目葶藶大黃丸主之方

要略

六

防已 椒目 葶藶 熬 大黃 各壹兩

右四味末之蜜和丸如桐子大先食飲服一九日三服稍

增口中有津液止渴者加芒消半兩

卒嘔吐心下痞膈間有水眩悸者小半夏加茯苓湯主之方

半夏 壹升洗 生薑 半斤 茯苓 壹兩一方肆兩

右三味切以水七升煮取一升五合去滓分溫再服

假令瘦人臍下有悸者吐涎沫而癰眩水也五苓散主之方

猪苓 去皮拾兩 茯苓 拾兩 澤瀉 陸兩 白朮 拾兩

桂枝 半兩

右五味杵為散飲服方寸匕日三服多飲暖水汗出即愈

附方

主心胸中有停痰宿水自吐出水後心胸間虛氣滿不能食消

痰氣令能食茯苓飲方

茯苓

參兩

人參

參兩

白朮

參兩

生薑

肆兩

枳實

貳兩

橘皮

壹兩半

右六味㕮咀以水六升煮取一升八合去滓分溫三服如

人行八九里進之

見外臺出延年

秋家其脉弦為有水可與十棗湯

方見上

夫有支飲家秋煩胸中痛者不卒死至一百日一歲與十棗湯

方見上

久秋數歲其脉弱者可治實大數者死其脉虛者必苦冒其人

本有支飲在胸中故也治屬飲家

秋逆倚息小青龍湯主之

方見肺癰中

青龍湯下已多唾口燥寸脉沈尺脉微手足厥逆氣從少腹上

要略中

七

衝胸咽手足痺其人面翕然如醉因復下流陰股小便難時復

冒可與茯苓桂枝五味子甘草湯治其氣衝方

茯苓

肆兩

桂枝

肆兩

五味子

半升

甘草

貳兩

衝氣即低而反更秋滿者因茯苓五味子甘草去桂加乾薑細

辛以治其秋滿方

茯苓

肆兩

五味子

半升

甘草

壹兩

乾薑

壹兩

細辛

壹兩

右五味㕮咀以水八升煮取三升去滓分溫三服

秋滿則止而復更渴衝氣復發者以細辛乾薑為熱藥此法不

當逐渴而渴反止者為支飲也支飲法當冒冒者必嘔嘔者復

內半夏以去其水方

茯苓

肆兩

五味子

半升

甘草

壹兩

乾薑

貳兩

細辛 參兩

半夏 洗半升

右六味咬咀以水八升煮取三升去滓分溫三服

水去嘔則止其人形腫可內麻黃以其欲逐痺故不內麻黃乃內杏人也若逆而內麻黃者其人必厥所以然者以其血虛麻黃發其陽故也方

茯苓 肆兩

五味子 碎升

甘草 參兩

乾薑 參兩

細辛 參兩

半夏 洗半升

杏仁 去皮尖半升

右七味咬咀以水一斗煮取三升去滓分溫三服

若面熱如醉狀者此為胃中熱上熏其面令熱加大黃湯和之方

茯苓 肆兩

五味子 碎升

甘草 參兩

乾薑 參兩

細辛 參兩

半夏 洗半升

杏仁 去皮尖半升

大黃 參兩

藥略中

八

右八味咬咀以水一斗煮取三升去滓分溫三服

先渴却嘔為水停心下此屬飲家小半夏加茯苓湯主之方見千金

消渴小便利淋病脉證并治第十三

脉證九條 第六首

厥陰之為病消渴氣上衝心中疼熱飢而不欲食食即吐下之不肯止

寸口脉浮而遲浮即為虛遲即為勞虛則衛氣不足勞則榮氣竭跌陽脉浮而數浮即為氣數即消穀而矢堅氣盛則溲數溲數即堅堅數相搏即為消渴

男子消渴小便反多以飲一斗腎氣丸主之

方見脚氣中

脉浮小便不利微熱消渴者宜利小便發汗五苓散主之

方見痰飲中

渴欲飲水水入即吐者名曰水逆五苓散主之

方見上

文蛤 伍兩

右一味杵為散以沸湯五合和服方寸匕

淋之為病小便如粟狀小腹弦急痛引臍中

趺陽脈數胃中有熱即消穀引食大便必堅小便即數

淋家不可發汗發汗則必便血

小便不利者有水氣其人若渴栝樓瞿麥丸主之方

栝樓根

貳兩 茯苓 叁兩

署預

叁兩 附子 大者壹枚 炮去皮

瞿麥 壹兩

右五味末之鍊蜜和為丸如桐子大飢服三九日三服不

知增至七八丸以小便利腹中溫為知

小便不利蒲灰散主之方

蒲灰

柒分 滑石 叁分

要略中

九

右二味杵為散飲服方寸匕日三服

滑石白魚散亦主之方

滑石

貳分

亂髮

燒 貳分

白魚

貳分

右三味杵為散飲服半錢匕日三服

茯苓戎鹽湯亦主之方

茯苓

半斤

白朮

貳兩

戎鹽

彈丸大 壹枚

右三味以水七升煮取三升去滓分溫三服

渴欲飲水口乾舌燥者白虎加人參湯主之

方見渴 病中

脉浮發熱渴欲飲水小便不利者猪苓湯主之方

猪苓

去皮 壹兩

茯苓

壹兩

澤瀉

貳兩

阿膠

微熬 貳兩

滑石

碎合 壹兩

右五味以水四升先煮四味取二升去滓內阿膠烔

消溫服七合日三服

水氣病脉證并治第十四

論七首脉證  
五條方八首

師曰病有風水有皮水有正水有石水有黃汗風水其脉自浮外證骨節疼痛其人惡風皮水其脉亦浮外證肘腫按之浸指不惡風其腹如鼓不渴當發其汗正水其脉沈遲外證自喘石水其脉自沈外證腹滿不喘黃汗其脉沈遲身體發熱胸滿四肢頭面腫久不愈必致癰膿

脉浮而洪浮則為風洪則為氣風氣相擊身體洪腫汗出乃愈惡風則虛此為風水不惡風者小便通利上焦有寒其人多涎此為黃汗

太陽病脉浮而緊法當骨節疼痛而反不疼身體反重而酸其人不渴汗出即愈此為風水惡寒者此為極虛發汗得之渴而

要略中

十

不惡寒者此為皮水身腫而冷狀如周痺胸中窒不能食反聚痛暮躁不眠此為黃汗痛在骨節歔而不渴者此為脾脹其狀如腫發汗即愈然諸病此者渴而下利小便數者皆不可發汗裏水者一身面目自洪腫其脉沈小便不利故令病水假如小便自利亡津液故令渴也

跌陽脉當伏今反緊本自有寒痼瘕腹中痛醫反下之下之即胸滿短氣

跌陽脉當伏今反數本自有熱消穀小便數今反不利此欲作水

寸口脉浮而遲浮脉則熱遲脉則澀熱澀相搏名曰沈跌陽脉浮而數浮脉則熱數脉即止熱止相搏名曰伏沈伏相搏名曰水沈則絡脉虛伏則小便難虛難相搏水走皮膚即為水矣

寸口脉弦而緊弦則衛氣不行衛氣不行即惡寒水不沾流走  
在腸間

必陰脉繫而沈緊則為痛沈則為水小便即難脉得諸沈當責  
有水身體腫重水病脉出者无

失水病大目下有臥蠅面目鮮澤脉伏其人消渴病水腹大小  
便不利其脉沈絕者有水可下之

問曰病下利後渴飲水小便不利腹滿因腫者何也答曰此法  
當病水若小便自利及汗出者自當愈

心水者其身重而少氣不得臥煩而躁其人陰腫肝水者其腹  
大不能自轉側脇下腹痛時上津液微生小便續通肺水者其

身腫小便難時上鴨澹脾水者其腹大四肢苦重津液不生但  
苦少氣小便難腎水者其腹大臍腫腰痛不得溺陰下濕如牛鼻

要略中

二

上汗其足逆冷面反瘦

師曰諸有水者腰以下腫當利小便腰以上腫當發汗乃愈

師曰寸口脉沈而遲沈則為水遲則為寒寒水相搏跌陽脉伏  
水穀不化脾氣衰則驚澹胃氣衰則身腫少陰脉細男子則小

便不利婦人則經水不通經為血血不利則為水名曰血分

問曰病者若水面目身體四肢皆腫小便不利師脉之不言水

反言胸中痛氣上衝咽狀如炙肉當微欬喘審如師言其脉何  
類師曰寸口脉沈而緊沈為水緊為寒沈緊相搏結在關元始

時當微年歲不覺陽衰之後榮衛相干陽損陰盛結寒微動緊  
氣上衝喉咽塞噎脇下急痛醫以為鬲飲而大下之氣擊不去

其病不除後重吐之胃家虛煩咽燥欲飲水小便不利水穀不化  
面目手足浮腫又與葶藶丸下水當時如小差食飲過度腫復

如前胸脇苦痛象若奔豚其水揚溢則浮飲喘逆當先攻擊衝氣令止乃治飲飲止其喘自差先治新病當在後

風水脉浮身重汗出惡風者防已黃耆湯主之腹痛者加芍藥

方見風濕中

風水惡風一身悉腫脉浮不渴續自汗出而無大熱者越婢湯主之方

麻黃

陸兩去節

石膏

半斤碎

生薑

叁兩切

大棗

拾伍枚擘

右五味㕮咀以水六升先煮麻黃再沸去上沫內諸藥煮

取三升去滓分溫三服惡風者加附子一枚炮

云今錄云風水加

皮水為病四肢腫水氣在皮膚中四肢聶動者防已茯苓湯

要略中

十二

主之方

防已

伍兩炙

黃耆

叁兩炙

桂枝

叁兩去皮

茯苓

陸兩

右五味㕮咀以水六升煮取二升去滓分溫再服

裏水越婢加木湯主之

方見肺氣中

又甘草麻黃湯亦主之方

甘草

貳兩炙

麻黃

肆兩去節

右二味㕮咀以水五升先煮麻黃再沸去滓內甘草煮取三升去滓溫服一升重覆汗出不汗再服慎風寒

水之為病其脉沈小屬少陰浮者為風無水虛脹者為氣水穀

其汗即已脉沈者宜附子麻黃湯浮者宜杏子湯

附子

壹枚炮去

麻黃

貳兩去節

甘草

貳兩炙

右三味㕮咀以水七升先煮麻黃再沸去上沫內諸藥煮取二升半去滓溫服八分日三服

杏子湯方未見

恐是麻黃杏子甘草石膏湯

厥而皮水者蒲灰散主之

方見蒲湯中

師曰黃汗之為病身體腫重

一作重

發熱汗出而渴狀如風水汗沾

衣色正黃如藥汁脈自沈問曰何從得之師曰以汗出入水中浴水從汗孔入得之

黃汗黃耆芍藥桂枝苦酒湯主之方

黃耆伍兩

芍藥貳兩

桂枝

去皮

右三味㕮咀以苦酒一升水七升相和煮取三升去滓溫服一升當心煩服至六七日乃解若心煩不止者以苦酒阻故也一方用美清醯代苦酒

醫中

十三

黃汗之病兩脛自冷假令發熱此屬歷節食已汗出又身常暮臥盜汗出者此勞氣也若汗出已反發熱者久其身必甲錯發熱不止者必生惡瘡若身重汗出已輒輕者久必身腫即胸中痛又從腰以上必汗出下無汗腰髑弛痛如有物在皮中狀劇者不能食身疼重煩躁小便不利此為黃汗桂枝加黃耆五兩湯主之方

桂枝去皮

生薑

芍藥

各壹兩

甘草

貳兩

大棗

拾貳枚擘

黃耆

貳兩

右六味㕮咀以水八升煮取三升去滓溫服一升須臾飲熱稀粥一升餘以助藥力溫覆取微汗若不汗者更服師曰寸口脈遲而濇遲則為寒濇為血不足跌陽脈微而遲微則為氣遲則為寒寒氣不足則手足逆冷手足逆冷則榮衛不

利榮衛不利則腹滿脇鳴相逐氣轉勝脫榮衛俱勞陽氣不通  
即身冷陰氣不通即骨疼陽前通則惡寒陰前通則痺不仁陰  
陽相得其氣乃行大氣一轉其氣乃散實則失氣虛則遺溺名  
曰氣分

氣分心下堅大如盤邊如旋枉水飲所作桂枝去芍藥加麻黃  
細辛附子湯主之方

桂枝

去芍

生薑

切各

甘草

炙兩

大棗

拾枚

麻黃

去節

細辛

去兩

附子

破八片

右七味以水七升先煮麻黃再沸去上沫內諸藥煮  
取二升去滓分溫三服當汗出如蟲行皮中即愈

心下堅大如盤邊如旋盤水飲所作枳實木湯主之方

枳實

炙

白朮

炙

要略中

品

右二味以水五升煮取三升去滓分溫三服腹中更  
即當散也

附方

夫風水脉浮為在表其人或頭汗出表無他病者但下重故  
知從腰以上為和腰以下當腫及陰難以屈伸防已黃耆湯主

之方見風濕中見  
外臺出深師

黃耆

病脉證

并治第十五

論二首

脈證一

方七首

寸口脉浮而緩浮則為風緩則為痺痺非中風四肢苦煩脾色

必黃乘熱以行

跌陽脉緊而數數則為熱熱則消穀緊則為寒食即為滿尺脉

浮為傷腎跌陽脉緊為傷脾風寒相搏食穀即眩穀氣不消胃

中苦濁濁氣下流小便不通陰被其寒熱流膀胱身體盡黃名

曰穀疸。額上黑微汗出。手足中熱。薄暮即發。膀胱急。小便自利。名曰女勞疸。腹如水狀不治。心中懊懣而熱。不能食。時欲吐。名曰酒疸。

陽明病。脈遲者。食難用飽。飽則發煩。頭眩。必小便難。此欲作穀疸。雖下之。腹滿如故。所以然者。脈遲故也。

夫病酒黃疸。必小便不利。其候心中熱。足下熱。是其證也。

酒黃疸者。或無熱。靖言了。腹滿欲吐。鼻燥。其脈浮者。先吐之。沈弦者。先下之。

酒疸。心中熱。欲嘔者。吐之即愈。

酒疸下之。久久為黑疸。目青面黑。心下如噉蒜虀。狀大便正黑。皮膚爪之不仁。其脈浮弱。雖黑微黃。故知之。

師曰。病黃疸。發熱煩喘。胃滿口燥者。以病發時。火劫其汗。兩

要略中

五

熱所得。然黃家所得。從濕得之。一身盡發熱。而黃。壯熱在裏。當下之。

脈浮。渴欲飲水。小便不利者。皆發黃。

腹滿。舌痿黃。燥不得睡。屬黃家。

舌痿。癰作身痿。

師曰。黃疸病。當以十八日為期。治之十日以上。為差。反劇為難治。又曰。疸而渴者。其疸難治。疸而不渴者。其疸可治。發於陰部。其人必嘔。發於陽部。其人振寒而發熱也。

穀疸之為病。寒熱不食。食即頭眩。心胃不安。久發黃。為穀疸。茵陳蒿湯主之方。

茵陳蒿

陸兩 大黃 各兩

梔子

拾肆

右三味。㕮咀。以水一斗二升。煮茵陳減半。內二味。煮取三升。去滓。分溫三服。小便利。溺如皂莢汁狀。色正赤。一宿腹

減黃從小便去

黃家日晡所發熱而反惡寒此為女勞得之膀胱急必腹滿身  
盡黃額上黑足下熱因作黑疸其腹脹如水狀大便必黑時澀  
此女勞之病非水也腹滿者難治消石礬石散主之方

消石

礬石燒各等分

右三味為散

以大麥粥汁和服方寸匕日三服病隨大小便

去小便正黃大便正黑是候也

酒黃疸心中懊懣或熱痛梔子枳實散大黃湯主之方

梔子

拾肆枚擘

枳實伍枚炙

政薑分

大黃壹兩

右四味㕮咀以水六升煮取二升去滓分溫三服

師曰諸病黃家但利其小便假令脉浮當以汗解之宜桂枝加

黃芩湯主之

方見上水病中

要略中

六

諸黃豬膏屢煎主之方

豬膏

半斤

亂髮如雞子大壹枚

右二味和膏中煎之屢消藥成分再服病從小便去

黃疸茵陳五苓散主之方

一本云茵陳湯及五苓散並主之

茵陳蒿末

伍分

五苓散伍分

右二物和先食飲服方寸匕日三服

五苓散方見張飲中

黃病腹滿小便不利而赤自汗出此為表和裏實當下之宜大

黃黃蘗梔子消石湯方

大黃

黃蘗各肆兩

梔子

拾伍枚擘

消石

肆兩

右四味㕮咀以水六升煮取二升去滓內消更煮取一升

頓服

黃疸病小便色不變欲自利腹滿而喘不可除熱熱除必噦噦

者小半夏湯主之

方見消渴中

諸黃腹痛而嘔者

必小柴胡湯也方見後嘔吐中

男子黃小便自利當與虛勞小建中湯

方見虛勞中

附方

諸黃瓜蒂湯主之

方見喝病中出刺繁

黃疸麻黃淳酒湯主之方

麻黃

奎兩去節綿裹

右一味以美清酒五升煮取二升半去滓頓服盡冬月用

酒春月用水煮之

見千金方

驚悸衄吐下血胃滿瘀血病脉證并治第十六

脉證一條

方五首

寸口脉動而弱動則為驚弱則為悸

要略中

師曰尺脉浮目睛暈黃衄必未止暈黃去目睛慧了知衄今止

又曰從春至夏數衄者太陽拉秋至冬衄者陽明

衄家不可發汗汗出必額上促急緊直視不能胸不得眠

病人面無色無寒熱脉沈弦者衄浮弱手按之絕者下血煩歎

者必吐血

夫吐血歎逆上氣其脉數而有熱不得臥者死

夫酒客飲者必致吐血此因極飲過度所致也

寸口脉弦而大弦則為減大則為芤減則為寒芤則為虛寒虛

相搏此即名為革婦人則半產漏下男子則亡血

亡血不可攻其表汗出即寒慄而振

病人胃滿唇痿舌青口燥其人但欲漱水不欲嚥無寒熱脉微

大來遲腹不滿其人言我滿為有瘀血

汗出反動上促  
衄字誤為汗字  
衄字誤為汗字  
衄字誤為汗字  
衄字誤為汗字  
衄字誤為汗字  
衄字誤為汗字  
衄字誤為汗字  
衄字誤為汗字  
衄字誤為汗字

病者如熱狀煩滿口乾燥而渴其脉反無熱此為陰狀是瘀血也當下之

火邪者桂枝去芍藥加蜀漆牡蠣龍骨救逆湯主之方

桂枝去皮

生薑切

蜀漆洗去腥各叁兩

牡蠣伍兩熱

龍骨肆兩

大棗拾貳枚擘

右七味㕮咀以水八升先煮蜀漆減二升內諸藥煮取三升去滓溫服一升本云桂枝湯今去芍藥加蜀漆牡蠣龍骨

心下悸者半夏麻黃丸主之方

半夏洗

麻黃去節等分

右二味末之鍊蜜和如小豆大飲服三九日三服吐血不止者柏葉湯主之方

藥略中

六

柏葉叁兩

艾叁把

乾薑叁兩

右三味㕮咀以水五升取馬通汁一升合煮取一升去滓分溫再服

下血先見血後見便此近血也先見便後見血此遠血也遠血黃土湯主之方亦主吐血衄血

甘草炙

乾地黄

白朮

附子炮去皮八片

阿膠

黃芩各叁兩

竈中黃土半斤

右七味㕮咀以水八升煮取三升去滓分溫二服近血赤小豆當歸散主之方見狐惑中

附方

治心氣不足吐血衄血瀉心湯方

大黃貳兩

黃連

黃芩各壹兩

右三味以水三升煮取一升頓服亦治霍亂傷寒論以麻沸

湯漬服之見千金

嘔吐噦下利病脉證并治第十七

論一首脉證二十條方二十三首

夫嘔家有癰膿者不可治嘔膿盡自愈

先嘔却渴者此為欲解先渴却嘔者為水停心下此屬飲家

嘔家本渴今反不渴者以心下有支飲故也此屬支飲

問曰病人脉數數為熱當消穀引食而反吐者何也師曰以穀

其汗令陽微膈氣虛脉乃數數為客熱不能消穀胃中虛冷故

吐也脉弦者虛也胃氣無餘朝食暮吐變為胃反寒在於上醫

反下之今脉反弦故名曰虛

寸口脉微而數微則無氣無氣則榮虛榮虛則血不足血不足

則胃中冷跌陽脉浮而瀦浮則為虛瀦則傷脾脾傷則不磨朝

吳路中

十九

食暮吐暮食朝食宿穀不化名曰胃反脉緊而瀦其病難治

病人欲吐者不可下之

噦而腹滿視其前後知何部不利利之即愈

嘔而胃滿者茱萸湯主之方

吳茱萸

壹升人參 壹兩

大棗

拾五枚

生薑

陸兩切

右四味以水五升煮取三升去滓溫服七合日三服

乾嘔吐涎沫頭痛者吳茱萸湯主之

上方見

嘔而腸鳴心下痞者半夏瀉心湯主之方

半夏

洗升

黃芩

人參

甘草

炙

乾薑

各五兩

黃連

壹兩

大棗

拾五枚

散

右七味以水一斗煮取六升去滓再煎取三升溫服

一升日三服

乾嘔而利者黃芩加半夏生薑湯主之方

黃芩

壹兩

芍藥

甘草

炙各二兩

大棗

拾式枚擘

半夏

半升

生薑

壹兩半切

右六味以水一斗煮取三升去滓分溫三服日再夜

一服

諸嘔吐

殺不得下者小半夏湯主之

方見痰飲中

嘔吐而病在膈上後思水者解急與之思水者猪苓散主之方

猪苓

去皮

茯苓

白朮

各等分

右三味杵為散飲服方寸匕日三服

嘔而脉弱

小便復利身有微熱見厥者難治四逆湯主之方

甘草

炙二兩

乾薑

壹兩半

附子

壹枚生用去皮切八片

右三味以水三升煮取一升二合去滓分溫再服強

要略口

三

人可大附子一枚乾薑三兩

嘔而發熱者小柴胡湯主之方

柴胡

捌兩

人參

黃芩

甘草

炙

生薑

切各二兩

半夏

半升洗

大棗

拾式枚擘

右七味以水一斗二升煮取六升去滓再煎取三升

溫服一升日三服

胃反嘔吐者大半夏湯主之方

半夏

叁升洗

人參

叁兩切

白蜜

壹升

右三味以泉水一斗二升和蜜揚之二百四十遍煮藥取

二升半去滓

溫服一升餘分再服

千金云治胃反不受食入口即吐外薑云治

嘔心下痞鞭者

食已即吐者大黃甘草湯主之方

大黃

肆兩

甘草

壹兩

右二味以水三升煮取一升去滓分溫再服

外臺又治吐水

茯苓

半斤

澤瀉

肆兩

甘草

錢兩

桂枝

貳兩

白朮

叁兩

生薑

肆兩

右六味以水一斗煮取三升內澤瀉再煮取二升半

去滓溫服八合日三服

外臺云主消渴脈絕胃反吐食又有小麥一升

吐後渴欲得飲而貪水者文蛤湯主之兼主微風脈緊頭痛方

文蛤

伍兩

麻黃

壹兩

甘草

貳兩

杏仁

伍拾枚

去皮尖

石膏

伍兩

大棗

拾枚

生薑

貳兩

右七味以水六升煮取二升去滓溫服一升汗出愈

乾嘔吐逆吐涎沫半夏乾薑散主之方

要略中

主

半夏

洗

乾薑

各等分

右二味杵為散取方寸匕潌水一升半煎取七合頓服之

病人胃中似喘不喘似嘔不嘔似噦不噦微心中煩然無柰

者生薑汁半夏湯主之方

生薑汁

壹升

半夏

半升

右二味以水三升煮半夏取三升內生薑汁煮取一升半

去滓小冷分四服日三夜一服若一服止停後服

乾嘔噦若手足厥冷者橘皮湯主之方

橘皮

肆兩

生薑

半斤

右二味切以水七升煮取三升去滓溫服一升下咽即愈

噦逆者橘皮竹茹湯主之方

橘皮

貳升

竹茹

壹升

大棗

拾枚

生薑

半斤

切

甘草伍兩

人參壹兩

右六味改咀以水一斗煮取三升去滓溫服一升日三服  
更六府氣絕於外者手足寒上氣脚縮五藏氣絕於內者利不  
禁下甚者手足不仁

下利脉沈弦者下重脉大者為未止脉微弱數者為欲自止雖  
發熱不允

下利手足厥冷無脉者灸之不溫若脉不還反微喘者死必陰  
肩趺陽者為順也

下利有微熱而渴脉弱者今自愈

下利脉數有微熱汗出今自愈設脉緊為未解

下利脉數而渴者今自愈設不差必清膿血以有熱故也

下利脉反弦發熱身汗者自愈

吳略中

下利氣者當利其小便

下利寸脉反浮數尺中自濡者必清膿血

下利清穀不可攻其表汗出必脹滿

下利脉沈而遲其人面少赤身有微熱下利清穀者必鬱冒汗

出而解病人必微厥所以然者其面戴陽下虛故也

下利後脉絕手足厥冷時脉還手足溫者生脉不還者死

下利腹脹滿身體疼痛者先溫其裏乃攻其表溫裏宜四逆湯

攻表宜桂枝湯方見上

桂枝湯方

桂枝去皮

芍藥

生薑切各三兩

甘草炙酒

大棗拾枚擘

右五味切咀以水七升煮取三升去滓溫服一升須臾飲

熱稀粥一升餘以助藥力取微似汗

下利脉三部皆平按之心下堅者急下之宜大承氣湯

方見瘕病中

下利脉遲而滑者實也利未欲止急下之宜大承氣湯

方見瘕病中

下利脉反滑當有所去下乃愈宜大承氣湯

方見瘕病中

下利差至其年月日時復發者以病不盡故也當下之宜大承

氣湯

上方見瘕病中

下利譫語者有燥屎故也小承氣湯主之方

大黃

肆兩

枳實

五枚

厚朴

貳兩

右三味咬咀以水四升煮取一升二合去滓分溫再服一

服譫語止若更衣者停後服

下利便膿血者桃花湯主之方

赤石脂

壹斤一半用

乾薑

壹兩

粳米

壹升

要略中

白三味  
作三味  
詳當

右三味以水七升煮米熟去滓溫取七合赤石脂末一方

寸匕和服若一服愈餘勿服

熱利重下者白頭翁湯主之方

白頭翁

貳兩

黃連

黃蘗

秦皮

各壹兩

右四味咬咀以水七升煮取二升去滓溫服一升不愈更

服一升

下利後更煩按之心下濡者為虛煩也梔子豉湯主之方

肥梔子

拾肆枚

香豉

肆合

右二味以水四升煮梔子取二升半內豉更煮取一升去

滓分再服溫進一服得快吐止後服

下利清穀裏寒外熱汗出而厥者通脈四逆湯主之方

甘草

貳兩

乾薑

兩強人

附子

大者壹枚

生用

右三味咬咀以水三升煮取一升二合去滓分溫再服其脉即出者愈

下利肺痛紫參湯主之方

紫參半斤 甘草炙兩

右二味咬咀以水五升先煮紫參取二升內甘草煮取一升半去滓分溫三服疑非仲景方

主氣利訶梨勒散方

訶梨勒拾枚以疑裏糖炙火中燉之令疑熟去核

右一味細為散粥飲和頓服之疑非仲景方

附方

治大便秘不通噦數語小承氣湯主之方見上見千金翼

乾嘔下利黃芩湯主之方玉函經云人參黃芩湯

聖明中

五

黃芩

人參

乾薑各壹兩

桂枝去皮兩

大棗拾枚

枳實半升

半夏半升

乾薑各壹兩

桂枝去皮兩

右六味咬咀以水七升煮取三升去滓溫分三服見外

瘡癰腸癰浸淫病脉證并治第十八脉證三條論一首方五首

諸浮數脉應當發熱而反洒淅惡寒若有痛處當發其癰

師曰諸癰腫欲知有膿與無膿以手掩腫上熱者為有膿不熱

者為無膿

腸癰之為病其身甲錯腹皮急按之濡如腫狀腹無積聚身無

熱脉數此為腸內有膿薏苡人附子敗醬散主之方

薏苡人符分 附子文分 敗醬伍分

右三味杵為末取方寸匕以水二升煎取一升頓服之小

便當下

腸癰者少腹腫痛按之即痛如淋小便自調時發熱自汗出復惡寒其脉遲緊者膿未成可下之當有血脉洪數者膿已成不可下也大黃牡丹湯主之方

大黃

肆兩

牡丹

壹兩

桃仁

伍拾枚

瓜子

半升

芒消

叁合

右五味㕮咀以水六升煮取一升去滓內芒消再煎一沸頓服之有膿當下如無當下血

問曰寸口脉浮微而瀼法當亡血若汗出設不汗者云何答曰若身有瘡被刀器所傷亡血故也病金瘡王不畱行散主之方

王不畱行

拾分八月

蒲薹細葉

拾分七月

桑東南根

如指大白皮信三月三日采

甘草

拾兩

蜀椒

叁分去目及開口者汗

黃芩

叁分

藥中

乾薑

貳分

芍藥

貳分

厚朴

貳分

右九味桑東南根以上三味燒為灰存性勿令灰過各別杵篩合治之為散病者與方寸匕服之小瘡即粉之中大瘡但服之瘡後亦可服如風寒桑根勿取之前主物皆陰乾百日

排膿散方

枳實

拾陸枚炙

芍藥

六分

桔梗

貳分

右三味杵為散取雞子黃一枚取散與雞黃等揉和令相得飲和服之日一服

排膿湯方

甘草

貳兩

桔梗

叁兩

生薑

壹兩切

大棗

拾枚

右四味㕮咀以水三升煮取一升去滓溫服五合日再服

浸淫瘡從口流向四肢者可治從四肢流來入口者不可治黃連粉主之

方未見

跌壓手指解脛轉筋陰狐疝蚘蟲病脉證并治第十九

論一首脉證二條方四首

師曰病者跌壓其人但能前不能却刺脛入二寸此太陽經傷也病人常以手指解脛動此人身體瞶者藜蘆甘草湯主之

方未見

轉筋之為病其人解脚直脉上下行微弦轉筋入腹者雞屎白散主之方

雞屎白

右一味為散取方寸匕以水六合和溫服

陰狐疝氣者偏有小大時上下蚘蛛散主之方

要略中

三

蚘蛛

拾肆枚熬焦

桂枝

半兩去皮

右二味為散取八分匕飲和服日再服蜜丸亦得

問曰病腹痛有蟲其脉何以別之師曰腹中痛其脉當沈若弦反洪大故有蚘蟲

蚘蟲之為病令人吐涎心痛發作有時毒藥不止甘草粉蜜湯主之

甘草

貳兩炙

粉

壹兩

蜜

肆兩

右三味㕮咀以水三升先煮甘草取二升去滓內粉蜜攪令和煎如薄粥溫服一升差即止

蚘厥者其人當吐蚘令病者靜而復時煩者此為藏寒蚘上入其膈故煩須臾復止得食而嘔又煩者蚘聞食臭出其人常自吐蚘蚘厥者烏梅丸主之方

又主痢

烏梅 枝百

細辛 陸兩

乾薑 拾兩

黃連 陸兩

當歸 肆兩

附子 陸枚炮

蜀椒 肆兩去目及

桂枝 陸兩

人參 陸兩

黃蘗 陸兩

右一十味各異擣篩合治之以苦酒漬烏梅一宿去核蒸之五斗米下飯熟擣成泥和藥相得四日中與蜜杵三千下丸如梧桐子大先食飲服十九日三服稍加二十九

雜療方第二十 論一首

宣通五藏虛熱山時加減柴胡飲子方

冬三月

柴胡 捌分

白朮 捌分

陳橘皮 伍分

大腹積 擣皮四枚并

生薑 伍分

桔梗 柒分

共六味

春三月

加枳實 叁分

減白朮

共六味

夏三月

加生薑 叁分

枳實 伍分

甘草 叁分

吳修

三

共八味

秋三月

加陳橘皮 叁分

共六味

右藥各收咀分為三貼一貼以水三升煮取二升去滓分溫三服如人行三四里進一服如四體壅滯少許甘草每貼分作三小貼一小貼以水一升煮取七合去滓溫服再合滓為一服重煮都成四服 非仲景方

長服訶梨勒丸方

訶梨勒 擣去

陳橘皮

厚朴 去皮各

右三味末之鍊蜜丸如梧桐子大酒飲服二十丸加至三

十九日一二

景非仲景方

三物備急丸方 附方

下並

大黃

乾薑

巴豆 各壹兩去心

右藥各須精新先擣大黃乾薑為末研巴豆內中合治一

千杵用為散蜜和為丸亦佳密器中貯之莫令歇主心腹諸卒暴百病若中惡客忤心腹脹滿卒痛如錐刀刺痛氣急口噤停尸卒死者以暖水若酒服大豆許三四丸或不下捧頭起灌令下咽須臾差如未差更與三丸當腹中鳴即吐下便差若口噤亦須折齒灌之

見千金云同空裴秀為散用亦可先和成

汁乃傾口中令從齒間得入至食喉

偷急救治人卒上氣呼吸氣不得下喘逆服半匕差後已為常

用出古今錄驗并時後宮秦用方見上

紫石寒食散治傷寒令已愈不復方

紫石英

白石英

赤石脂

鍾乳雄鍊

枯樓根

防風

桔梗

文蛤

思曰

要略曰

三

太一餘糧

燒各拾分乾薑

附子

炮去皮

桂枝

去文各半

右一十三味杵為散酒服三方匕

見千金翼

救卒死方

搗薤汁以灌鼻中

又方

割雄雞冠血管吹內鼻中

又方

猪脂如雞子大苦酒一升煮沸以灌喉中

又方

以雞肝及血塗面上灰圍四邊立起

又方

大豆二七枚以雞子白并酒和盡以吞之

救卒死而壯熱者方

礬石半斤水一斗半煮消以漬脚令浸踝

救卒死而目閉者方

騎牛臨面擣薤汁灌耳中吹皂莢末鼻中立効

救卒死而張口反折者方

灸手足兩爪後十四壯了飲以五毒諸膏散有巴豆

者

救卒死而四肢不收失便者方

馬屎一升水三斗煮取二斗以洗之又取牛洞綿糞也

一升溫酒灌口中灸心下一寸臍上三寸臍下四寸

各一百壯差

救小兒卒死而吐利不知是何病方

馬屎一丸絞取汁以灌之無濕者水煮乾者取汁

口蹙脈動而無氣氣閉不通故靜而死也方

以昌蒲屑內鼻兩孔中吹之令入以桂屑着舌下證

在上卷第一篇中

栗貯四

栗

又方

別取左角驢方寸燒末酒和灌令入喉立起

救卒客忤死方

千金方云主卒忤鬼擊癰尸諸奄忽氣絕無復不下省分病人驢左右提掬肩引之藥下復增取盡一升須臾立蘇各還裸湯

麻黃

參兩去節一方四兩杏仁去皮尖甘草宣兩

又方

桂枝

壹兩生薑切兩梔子拾肆枚擘豉半升

又方

韭根

壹把烏梅式柒枚吳茱萸擘升

者瓦煮取三升去滓分飲之

救自縊死旦至暮雖已冷必可治暮至旦小難也恐此當言陰氣盛故也然夏時夜短於晝又熱猶應可治又云心下若微溫者一日以上猶可治之方

徐<sup>二</sup>抱解不得截繩上下安被臥之一人以脚踏其兩肩手少挽其髮常弦<sup>二</sup>勿縱之一人以手按據脅上數動之一人摩捋臂脰屈伸之若已僵但漸<sup>二</sup>強屈之并按其腹如此一炊頃氣從口出呼吸眼開而猶引按莫置亦勿苦勞之須臾可少裨湯及粥清舍與之令濡喉漸<sup>二</sup>能嚥及稍止耳尚令兩人以管吹其兩耳彌好此法最善無不活者

凡中暍死不可使得冷得冷便死療之方

要略中

三

屈革帶繞暍人臍使三兩人更溺其中令溫亦可用熱泥土屈草亦可扣瓦椀底按及車缸以著暍人臍上取令溺不得流去此謂道路窮卒無湯當令人溺其中欲使多人溺取令溫若湯便可與之不用泥及車缸恐此物冷暍既在夏月得熱泥土暖車缸亦可用也

溺死方

取竈中灰石餘以埋人從頭至足水出七孔即活

凡療自縊溺暍之法並出自張仲景為之其意理殊絕殆非常情所及本草所能關實救人之大術矣傷寒家別有暍病非此遇熱之暍<sup>見外臺肘後同</sup>

馬墜及一切筋骨損方

大黃

壹兩切浸湯咸下

緋帛

如手大燒灰

久用炊單布

用壹尺燒灰

亂髮

如雞子大燒灰

桃人

肆拾玖枚去皮炙

敗蒲

壹握長叁寸

甘草

如中指節炙

右七味以童子小便量多以煎湯成內酒一大盞次下大黃去滓分溫三服先剉敗蒲席半領煎湯浴衣被密覆服斯須通利數行痛楚立差利及浴水亦勿怪即瘀血也

後

金匱要略方卷中

要略中

主

入

金匱要略方卷下

漢張仲景述 晉王叔和集 臣林億等詮次

婦人妊娠病脉證并治第二十一

婦人產後病脉證并治第二十二

婦人雜病脉證并治第二十三

禽獸蟲魚禁忌并治第二十四

果實菜穀禁忌并治第二十五

婦人妊娠病脉證并治第二十一 證三條 方八首

師曰脉婦人得平脉陰脉小弱其人渴不能食無寒熱者為軀

桂枝湯主之之法六十日當有娠設有醫治逆者却一月加吐下

者則絕之方見下

婦人妊娠經斷三月而得漏下下血四十日不止胎欲動在於

要略下

臍上此為妊娠六升動者前三月經水利時胎也下血者後斷

三月血也所以以下血不止者其藏不去故也當下其藏宜桂枝

茯苓丸方 雞泰云婦人宿有癥病經斷未及三月而得漏下不止胎動甚動上者為癥瘕宜

桂枝 去皮

茯苓

牡丹 去心

桃人 去皮炙

芍藥 各等分

右五味末之鍊蜜和丸如兔屎大每日一丸不知加至三丸

婦人懷妊六月七月脉弦數熱其胎踰腹腹痛惡寒者必腹如

扇之狀所以然者子藏開故也當以附子湯溫其藏 方未見

師曰婦人有漏下者有半產後因續下血都不絕者有妊娠下

血者假令妊娠腹中痛為胞阻膠艾湯主之方

阿膠

芍藥

甘草 炙各兩 艾葉

當歸 各兩

芍藥

乾地黄 各兩

右七味改咀以水五升清酒三升合煮取三升去滓內膠  
令消盡溫服一升日三服不差更作

一方加乾薑壹兩胡治婦人胎動無乾薑

婦人懷娠腹中病痛當歸芍藥散主之方

當歸

肆兩

芍藥

壹斤

茯苓

肆兩

白朮

肆兩

澤瀉

半斤

芎藭

半斤一

作叁兩

右六味杵為散取方寸匕酒和日三服

婦人妊娠嘔吐不止乾薑人參半夏丸方

乾薑

人參

各壹兩

半夏

洗半兩

右三味末之以生薑汁和為丸如梧子大飲服一九日三服

婦人妊娠小便難飲食故當歸貝母芍藥丸主之方

當歸

貝母

芍藥

各肆兩

右三味末之鍊蜜和丸如小豆大飲服三丸加至十丸男

要略下

二

子加滑石半兩

婦人妊娠有水氣身重小便不利洒淅惡寒起即頭眩葵子茯苓散主之方

葵子

壹升

茯苓

叁兩

葵子

壹升

茯苓

叁兩

右二味杵為散飲服方寸匕日三服小便利則愈

婦人妊娠宜服當歸散方

當歸

黃芩

芍藥

芎藭

各壹兩

白朮

半斤

右五味杵為散酒飲服方寸匕日再服妊娠常服即易產

胎無苦疾產後百病悉主之

附方

妊娠養胎白朮散方

白朮

芎藭各肆分

蜀椒  
汗叁分

牡蠣  
熬式  
分

病雖愈書

古今錄驗

則愈

婦人產後病脉證并治第二十二

論一首證六  
條方十七首

問曰新產婦人有三病一者病瘧二者病鬱冒三者大便難何謂也師曰新產血虛多汗出喜中風故令病瘧何故鬱冒師曰

要略下

三

亡血復汗寒多故令鬱冒何故大便難師曰亡津液胃燥故大便難產婦鬱其脉微弱不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故但頭汗出所以產婦喜汗出者亡陰血虛陽氣獨盛故當汗出陰陽乃復所以便堅者嘔不能食也小柴胡湯主之

方見瘧病中

吐中

方見瘧病中

方見症  
病中

婦人產後腹中疝痛當歸生薑羊肉湯主之并治腹中寒疝虛

方見寒  
疝中

婦人產後腹痛煩滿不得臥枳實芍藥散主之方

枳實  
令燒  
太令黑  
過  
勿

為藥等分

右二味杵為散服方寸匕日三服并主癰膿以麥屑粥下之

師曰產婦腹痛法當與枳實芍藥散假令不愈者此為腹中有乾血著臍下與下瘀血湯服之主經水不利若瘀血方

大黃式兩

桃人去皮 蟬蟲去足

右三味末之鍊蜜和為四九以酒一升煎二九取八合頓服之新血利下如豚肝

婦人產後七八日無太陽證少腹堅痛此惡露不盡不大便四

五日踈陽脈微實再倍其人發熱日晡所煩躁者不食食即讖

語利之即愈宜大承氣湯熱在裏結在膀胱也方見瘕病中

婦人產得風續之數十日不解頭微痛惡寒時有熱心下堅

乾嘔汗出雖久陽旦證續在耳可與陽旦湯即桂枝湯是也見方

中下利鄧氏本獨作後堅作問

婦人產後中風發熱面正赤喘而頭痛竹葉湯主之方

要略下

四

竹葉壹把

葛根壹兩

防風壹兩

桔梗

桂枝去皮

人參

甘草炙各壹兩

附子壹枚炮去皮破八片

大棗拾伍枚擘

生薑切二兩

右十味咬咀以水一斗煮取二升半去滓分溫三服溫覆使汗出頸項強用大附子一枚破之如豆大煎藥湯去沫

嘔者加半夏半升洗

婦人乳中虛煩亂嘔逆安中益氣竹皮大丸主之方

生竹茹式分

石膏式分

桂枝壹分

甘草柒分

白薇壹分

右五味末之棗肉和丸如彈丸大以飲服一九日三夜二

服有熱者倍白薇煩喘者加柏實一分

婦人產後下利虛極白頭翁加甘草阿膠湯主之方

白頭翁

式兩

黃連

藥皮

秦皮

各叁兩

甘草

式兩

阿膠

式兩

右六味以水七升煮取二升半去滓內膠令消盡分溫三服

附方

婦人多在草蓐得風四肢苦煩熱皆自發露所為頭痛者與小柴胡湯頭不痛但煩與三物黃芩湯

小柴胡湯方見嘔吐中

黃芩

壹兩

苦參

式兩

乾地黄

肆兩

右藥以水八升煮取二升去滓溫服一升多吐下蟲見手治婦人產後虛羸不足腹中刺痛不止吸少氣或苦少腹拘急攣痛引腰背不能食飲產後一月日得服四五劑為善令人強壯內補當歸建中湯方

要略下

五

當歸

肆兩

桂枝

去皮叁兩

芍藥

陸兩

生薑

叁兩切

甘草

文兩

大棗

拾式枚擘

右六味以水一斗煮取三升去滓分溫三服一日令盡若水虛加飴糖六兩湯成內之於火上暖令飴糖消若無生薑則以乾薑代之若其人去血過多崩傷內衄不止加地黃六兩阿膠二兩合八種湯成去滓內阿膠若無當歸以芍藥代之

鏡千

婦人雜病脉證并治第二十三

脈證合一十四條論一首方一十二首

婦人中風七八日續得寒熱發作有時經水適斷此為熱入血室其血必結故使如瘧狀發作有時小柴胡湯主之

方見嘔吐中

婦人傷寒發熱經水適來晝日明了暮則譫語如見鬼狀者此為熱入血室無犯胃氣及上二焦必自愈

婦人中風發熱惡寒經水適來得七八日熱除脉遲身凉和胸脇下滿如結胸狀譫語者此為熱入血室也當刺期門隨其實而取之

陽明病下血譫語者此為熱入血室但頭汗出當刺期門隨其實而瀉之熾然汗出愈

婦人咽中如有炙轆半夏厚朴湯主之方

半夏一作升

厚朴一作兩

茯苓一作兩

生薑一作兩

乾蘇葉或兩

右五味以水七升煮取四升去滓分溫四服日三夜

一服一作治胸滿心下堅咽中怏怏如食肉吐之不出吞之不下

婦人藏燥喜悲傷欲哭象如神靈所作數次俾甘草小麥大棗

湯主之方

要略下

六

甘草一作兩

小麥一作升

大棗一作兩

右三味以水六升煮取三升去滓分溫三服亦補脾

氣

婦人吐涎沫醫反下之心下即痞當先治其吐涎沫宜小青龍

湯方見肺涎沫止乃治痞宜瀉心湯方見驚悸中

婦人之病因虛稍入結氣為諸經水斷絕至有歷年血寒積結

胞門寒傷經絡凝堅在上嘔吐涎唾久成肺癰形體損分在中

盤結繞臍寒疝或兩脇疼痛與藏相連或結熱在中痛在關元

脉數無瘡肌若魚鱗時着男子非止女身在下未多經候不勻

令陰掣痛少腹惡寒或引腰脊下根氣衝氣衝急痛膝脛疼煩

或奄忽眩冒狀如厥癰或有憂慘悲傷多嗔此皆帶下非有鬼

神文則羸瘦脉虛多寒三十六病千變萬端審脉陰陽虛實緊

弦行其針藥治危得安其雖同病脉各異源子當辨記勿謂不然

問曰婦人年五十所病下利數十日不止暮即發熱少腹裏急痛腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之方

吳茱萸

叁兩

當歸

芍藥

芍藥

各五兩

麥門冬

壹升

人參

桂枝

去皮

阿膠

牡丹

去心

生薑

甘草

炙各

右一十二味㕮咀以水一斗煮取三升去滓分溫三服亦主婦人少腹寒久不作軀無主崩中去血或月水來過多及過期不來

要略下

七

婦人帶下經水不利少腹滿痛經一月再見者土瓜根散主之方

土瓜根

芍藥

桂枝

去皮

蟅蟲

熬各

右四味杵為散酒服方寸匕日三服陰顯腫亦主之

寸口脉弦而大弦則為減大則為芤減則為寒芤則為虛虛寒相搏脉即名為革婦人則半產漏下旋復花湯主之方

旋復花

叁兩

葱

新絳

少許

右三味以水三升煮取一升去滓頓服之

婦人陷經漏下黑不解膠薑湯主之

臣德等按諸本無膠薑湯恐是前杜仲中膠艾湯也

婦人少腹滿如敦敦狀小便微難而不渴生後者此為水與

血并結在血室也大黃甘遂湯主之方

大黃

肆兩

甘遂

貳兩

阿膠

貳兩

右三味㕮咀以水三升煮取一升去滓頓服其血當下

婦人經水不利抵當湯主之方

水蛭

叁拾枚熬

蝨蟲

叁拾枚去足熬

桃仁

貳柒枚去皮尖熬

大黃

叁兩

右四味改咀以水五升煮取三升去滓溫服一升當血下不下再服亦治男子膀胱滿急有瘀血者

婦人經水閉不利藏堅癖不止中有乾血下白物礬石丸主之方

礬石

叁分燒

杏仁

壹分去皮尖熬

右二味末之鍊蜜和丸如棗核大內藏中劇者再內之

治婦人六十二種風兼主腹中血氣刺痛紅藍散酒方

紅藍花

壹大兩

右一味以酒一大升煎強半頓服不止再服

婦人腹中諸疾痛當歸芍藥散主之

方見婦人腹中痛

婦人腹中痛小建中湯主之

方見婦人腹中痛

要略下

八

問曰婦人病食飲如故煩熱不得臥而反倚息者何也師曰此病轉胞不得溺也以胞系了戾故致此病但利小便則愈宜腎氣丸以中有茯苓故也

方見脚氣中

溫陰中坐藥蛇牀子散方

蛇牀子

右一味末之以白粉以許和令相得如棗大綿裹內之自然溫矣

師曰少陰脉滑而數者陰中即生瘡婦人陰中蝕瘡爛狼牙湯洗之方

狼牙

叁兩

右一味改咀以水四升煮取半升以綿纏筋大如臠浸湯灑陰中目四遍

師曰胃氣下泄陰吹而正喧此穀氣之實也膏駸煎導之見黃疸中  
小兒疳蟲蝕齒方

雄黃

葶藶各少

右二味末之取臘月猪脂和饒以槐枝綿裹頭四五枚點

藥烙之

疑非仲景方

禽獸蟲魚禁忌并治第二十四

論辨二首合九十二首

凡飲食滋味以養於生食之有妨反能為害自非服藥鍊液焉能不飲食乎竊見時人不閑調攝疾疫競起莫不因食而生苟全其生須知切忌者矣所食之味有與病相宜有與身為害若得宜則益體害則成災以此致危例皆難療也凡煮藥飲汁以解毒者雖云救急不可熱飲諸毒病得熱更甚宜冷飲之

肝病禁辛心病禁鹹脾病禁酸肺病禁苦腎病禁甘春不食肝

要略下

九

夏不食心秋不食肺冬不食腎四季不食脾

辨曰春不可食肝者為肝氣盛王脾氣敗若食肝又補肝脾氣敗尤甚不可救又肝王之時不可以死氣入肝恐傷魂也若肝不王時有虛以肝補之佳餘藏準此

凡肝藏自不可輕噉自死者彌甚

諸心皆為神識所舍勿食之使人來生復其對報矣

凡肉及肝落地不着塵土者不可食之

諸肉自動者不可食之

諸肉及魚狗不喫鳥不啄者不可食之

暴肉不乾火炙不動見水自動者不可食之

肉中有如米點者不可食之

六畜肉熱血不斷者不可食之

父母及身本命肉食之令人神魂不安  
食肥肉及熟羹不得飲冷水

諸五藏及魚投地塵土不汚者不可食之

穢飯餒肉臭魚食之皆傷人

自死肉口閉不可食之

六畜自死皆疫死則有毒不可食之

獸自死北首及伏地者食之殺人

食生肉飽飲乳變成白蟲白蟲一作血蟲

丙午日壬子日勿食諸五藏

疫死牛肉食之令病洞下亦致堅積宜利棄下之

脯藏米瓮中有毒及經夏食之發腎病

治食自死六畜肉中毒方

要略下

搗黃蘗屑服方寸匕

食鬱肉漏脯中毒方

燒犬屎酒服方寸匕多飲人乳汁亦良飲生韭汁三升亦

得鬱肉密器蓋之隔宿者是也漏脯茅屋漏下沾着者是也

黍米中藏乾脯食之中毒方

大豆濃煮汁飲數升即解亦治狸肉漏脯等毒

食生肉中毒方

掘地深三尺取其下土三升以水五升煮五六沸澄清汁

飲一升立愈

食六畜鳥獸肝中毒方

水浸豉絞取汁服數升愈

馬脚無夜眼者不可食之

食駿馬肉不飲酒殺人

馬肉不可熱喫傷人心

馬鞍下肉食之殺人

白馬黑頭者不可食之

白馬青蹄者不可食之

白馬黑蹄者不可食之

馬肉狍肉共食飽醉臥大忌

驢馬肉合猪肉食之成霍亂

馬汗及毛不可人食中害人

馬肝有毒食之殺人未死者方

雄鼠屎

益壽散

右一味末之水和服之日再服

要略下

又方 取人垢一方寸匕服之佳

食馬肉中毒欲死方

香豉

益壽散

杏仁

或兩去

右二味蒸一食頃熟杵之服日再令盡

又方 煮蘆根汁飲之良

疫死牛或目赤或黃食之大忌

牛肉共猪肉食之必作寸白蟲

青牛腸不可合犬肉食之

牛肺按三月至五月其中有蟲如馬尾割去之勿食損人

牛羊猪肉皆不得以猪木桑木蒸炙食之令人腹内生蟲

噉蛇牛肉殺人何以知之噉蛇者毛髮向後順者是也食之欲死方

飲人乳汁一升立愈

又方 以泔洗頭飲一升愈

又方

牛肚細切以水一斗煮取一升煖飲之大汗出者愈

食牛肉中毒方

甘草煮汁飲之即解

羊肉具有宿熱者不可食之

羊肉不可共生魚酪食之害人

羊蹄甲中有珠子白者名羊懸筋食之令人癰

白羊黑頭食其腦作腸癰

羊肝共生椒食之破人五藏

猪肉共羊肝和食之令人心悶

要略下

猪肉與生胡荽同食爛人臍

猪脂不可合梅子食之

猪肉和葵食之令人少氣

廐肉不可和蒲白作羹食之發惡瘡

麋脂及梅李子若妊娠婦人食之令子青盲男子傷精

麋肉不可合蝦及生菜梅李果實食之皆病人

癰疾人不可食熊肉令終身不愈

白犬自死不出舌者食之害人

食狗鼠餘令人發癰瘡

食犬肉不消心下堅或腹脹口乾大渴心驚發熱妄語如狂或

洞下方

杏人宣升合  
皮熱研

右一味以沸湯三升和絞取汁分三服利下肉片大驗

婦人妊娠不可食兔肉山羊肉又不得食鼈雞鴨令子無音聲

兔肉不可合白雞肉食之令人面黃

兔肉著乾薑食之成霍亂

凡鳥自死口不閉翅不合者不可食之

諸禽畜肝青者食之殺人

雞有六翮四距者不可食之

烏雞白首者不可食之

雞不可共胡蒜食之滯氣雞子云

山雞不可合鳥獸肉食之

雉肉久食令人瘦

鴨卵不可合鼈肉食之

要略下

十三

婦人妊娠食雀肉令子淫亂無恥

雀肉不可合李子食之

勿食燕肉入水為蛟龍所噉

鳥獸有中毒箭死者其肉有毒解之方

煮大豆及藍汁服之解

魚頭正白如連珠至脊上食之殺人

魚頭中無鰓者不可食之殺人

魚無腸膽者不可食之三年陰不起女子絕生

魚頭似有角者不可食之

魚目合者不可食之

六甲日勿食鱗甲之內

魚不得合雞肉食之

魚不得合鷓鴣肉食之

鯉魚鮓不可合小豆薑食之其子合猪肝食之害人

鯉魚不可合犬肉食之

鯽魚不可合猴雉肉食之

合蝦蟇可

鯽魚合鹿肉食食令人筋甲縮

青魚鮓不可合生胡荽及生葵并麥中食之

鰕鰾不可合白犬血食之

鰕肉不可合酒果子食之

鰕目凹陷者及厭下有王字形者不可食之其肉不得合雞鴨

子食之

鰕鰾肉不可合菟菜食之

蝦無須及腹下通黑煮之反白者不可食之

要略下

二四

食鰕喫乳酪令人腹中生蟲為瘕

鰕食之在胃中心間不化吐復不出速下除之久成瘕病方

橘皮 壹兩

朴消 壹兩

大黃 貳兩

右三味切以水一斗升煮至小升去滓頓服即消

食鰕多不消結為瘕病治之方

馬鞭草搗汁飲之或以薑葉汁飲一升亦消又可服吐藥

吐之

食魚及食毒兩種煩亂治之方

橘皮濃煮汁服之即解

食鯉鰕魚中毒方

蘆根煮汁服之即解

鰕目相向足斑目赤者不可食之

食蠟中毒方

紫蘇濃煮汁飲之三升紫蘇子搗汁飲之亦良

又方

飲冬瓜汁二升亦可食冬瓜

凡蠟未遇霜多毒其熟者乃可食之

蜘蛛落食中有毒勿食之

凡蜂蠅蟲蟻等多集食上喫之致癰

果實菜穀禁忌并治第二十五

果子生食生瘡

果子落地經宿蟲蟻食著人喫大忌

生果停留多日有損處喫之傷人

桃多食令人熱仍不得入水浴令人病淋瀝寒熱病

忌食

王

杏酪不熟傷人

梅多食壞人齒

棗不可多食令人腫脹

林檎不可多食令人百脉弱

橘柚多食令人口爽不知五味

梨不可多食令人寒中金瘡產婦亦不宜食

櫻桃杏多食傷筋骨

安石榴不可多食損人肺

胡桃不可多食令人動痰飲

生棗多食令人熱渴氣脹寒熱羸瘦者彌不可食傷人

食諸果中毒治之方

猪骨燒過末之水服方寸匕亦治馬汗漏脯等毒

木耳赤色及仰生者勿食

菌仰卷及赤色者不可食

食諸菌遇毒悶亂欲死方

人糞汁一升飲之即活服諸吐利藥亦佳服土線一二升亦可濃煮大豆汁飲之並解

食楓樹菌而笑不止亦以前方治之

誤食野芋煩毒欲死其野芋根生東人名魁芋人種三年不收亦成野芋並殺人亦用前方治之

蜀椒閉口者有毒誤食之殺人咽喉氣欲便絕或吐下白沫人體痺冷者急煮桂汁飲之多飲冷水一二升或食蒜或服地線或濃煮豉汁解之

正月勿食生葱令人面上起游風

藥略六

二月勿食蓼傷人腎

三月勿食小蒜傷人志性

四月八月勿食胡荽傷人神

五月勿食韭令人乏氣力

六月七月勿食萊菔傷神氣

八月九月勿食薑傷人神

十月勿食椒損人心傷血脉

十一月十二月勿食薤令人多涕唾

四季勿食生菜令人飲食不化穀宿病非但食中藥丸湯散中亦不可用宜深慎之

時病差未健食生菜手足必腫

夜食生菜不利人

十月勿食被霜生菜令人面無光目澀心痛腰疼或發心瘡瘡  
發時手足十指爪皆青困委

葱韭初生牙者食之傷人心氣

飲白酒食生韭令人病增

生葱不可共蜜食之殺人獨顯蒜彌忌

棗合生葱食之令人病

生葱和雄雞雄白犬肉食之令人七竅經年血流

食糖蜜後四日內食著生葱韭令人心痛

夜食諸薑蒜葱等傷人心

蕪菁根多食令人氣脹

雞不可共牛肉作羹食之成瘕病韭亦然

蓴多食動痔疾

要略下

野苣不可同蜜食作內痔

白苣不可共酪同食作蠱蟲

黃瓜食之發熱病

葵心不可食傷人葉尤冷黃背赤莖者勿食之

胡荽久食之令人多忘

病人不可食胡荽及黃花菜

芋不可多食動病

妊娠婦人食薑令子餘指

蓴多食發心痛

蓴和生魚噉之令人奪氣陰板疼痛

芥菜不可共兔肉食之成惡邪病

小蒜多食傷人心力

食蒜或躁方

濃煮豉汁飲之

鉤吻與芹菜相似誤食殺人解之方

肘後方云與莖葉食芥相似

薺菜

桐兩

右一味以水六升煮取二升去滓分為二服其鉤吻生地傍無佗草其莖有毛以此別之

菜中有水蓂莖葉圓而光有毒誤食之令人狂亂狀如中風或吐血治之方

甘草煮汁服之即解

凡春秋二時龍帶精入芹菜中人偶食之為病發時手青腹滿痛不可忍蛟龍病方

服硬糖二三升日兩度吐出如蜥蜴三五枚差

要略下

食苦瓠中毒方

黍穰煮汁數服之解

藟豆寒熱者不可食之

久食小豆令人枯燥

食大豆膚忌噉猪肉

大麥久食令人作癖

白黍米不可同飴蜜食亦不可合藥食之

蕎麥麴多食之令人髮落

鹽多食傷人肺

食冷物於人齒食熱物勿飲冷水

飲酒食生蒼耳令人心痛

夏月大醉汗流不得冷水洗著身及使扇即成病

飲酒勿炙腹背大忌令人腸結

醉後勿飽食穀寒熱

飲酒食猪肉臥秫稻穰中穀黃

食錫多飲酒大忌

凡酒及水照見人影動者不可飲之

醋合酪食之令人血痕

食白米粥勿食生蒼耳成走症

食甜粥已食鹽即吐

犀角筋攪飲食沫出及澆地墳起者食之殺人

凡飲食中毒煩滿治之方

苦參

壹兩

苦酒

壹升

右二味煮三沸三上三下去滓服之吐食出即差或以水煮亦得

聖略一

一

又方

犀角湯亦佳

治食食多不消心腹堅滿痛方

鹽

壹升

水

叁升

右二味煮令鹽消分為三法當吐出食便差

礬石生入腹破人心肝當陸以水服殺人礬石亦禁水

葶藶子傳頭瘡藥氣入腦殺人

水銀入人耳及六畜等皆死以金銀著耳邊水銀則出

苦棟無子者殺人

凡諸毒多是假毒藥以投之知時宜煮甘草薺莖汁飲之通除

諸毒藥

金匱要略方卷下

國子監

准 監關准 尚書禮部符准 紹聖元年六月二十五日

勅中書省尚書省送到禮部狀據國子監狀據翰林醫學本監  
三學看治任仲言狀伏覩 本監先准

朝旨開雕小字聖惠方等共五部出賣并每節鎮各十部餘州  
各五部本處出賣今有千金翼方金匱要略方王氏脉經補注  
本草圖經本草等五件醫書日用不可闕本監雖見印賣皆是  
大字醫人往 無錢請買兼外州軍尤不可得欲乞開作小字  
重行校對出賣及降外州軍施行本部看詳欲依國子監申請  
事理施行伏候指揮六月二十三日奉

聖旨依奉

勅如右牒到奉行 都省前批六月二十六日未時付禮部施

金匱要略曰詩

行仍關屬去處主者一依

勅命指揮施行

紹聖三年六月

日離

集慶軍節度推官監國子監書庫向 宗恕

承務郎 監國子監書庫曾 緣

延安府臨真縣令監國子監書庫鄧 平

潁州萬壽縣令監國子監書庫郭 真卿

宣義郎 國子監主簿王 仲懿

通直郎 國子監丞武騎尉檀 宗益

朝散郎守國子監司業上輕車都尉賜緋魚袋趙 挺之

朝奉郎守國子司業兼侍講雲騎尉龔 原

治平三年三月十九日

進呈奉

聖旨鏤板施行

朝奉郎守太子右贊善大夫同校正醫書騎都尉賜緋魚袋臣高保衡

朝奉郎守尚書都官員外郎同校正醫書騎都尉臣孫奇

朝奉郎守尚書司封郎中充祕閣校理判登聞檢院上護軍賜緋魚袋臣林億

龍圖閣直學士朝散大夫守尚書工部侍郎兼修國史知審刑院事判祕閣提舉禮泉觀其提舉校正醫書工

柱國彭城縣開國公食邑三千二百戶食實封二百戶賜紫金魚袋臣錢象先

中藏三十卷卷八

余置要略藏醫家之要書也然學者漫不之顧以有蓄  
之者今得祝先生均實所藏古本老眼雖昏勉強錄之  
洪武二十八年歲次乙亥秋八月三日甲子寓至二十五日  
西戌南歲時年七十三吳遷景長識



九月十一日帙

